

NQALO E KHETHETSOENG

Ho RAPELA MOLIMO



Ha re inamiseng lihlooho tsa rōna nakoana.

Ntate ea Ratehang oa Leholimō, ruri re nka ona e le monyetla kajeno ho fihla motseng ona oa Los Angeles, le hara bana, balumeli ba... Bakhethoa ba bitsitsoeng lefatšeng, bana ba Molimo ba arotsoeng, horeng e khōlō ena eo re phelang ho eona, tlasa tebello e khōlō ena ea ho hlaha ha Moratua oa rōna, Morena Jesu, nakong efe le efe. Re U leboha pelōng ea rōna ka sena, rea lumela U tla fihla molokong oa rōna. Kajeno re Mo shebeletse. Haeba A sa fihle mona kajeno, 'me hosane re ntse re le mona, re tla be re Mo shebeletse hosane.

² Molimo o Ratehang, re rapella kopano ena ho fetoha kopano e—e ikhethileng. Ebe mohila ho tla ngoloa e—e rekoto ea ntsetsopele ea Kereke, e tla hlahisoa Libukeng tsa Hao Bosafeleng. Hlohonolofatsa boiteko bofe le bofe ba rōna bo fokolang, Ntate. Kastle ho Uena re itemoha re le bahlolehi ka botlalo, ka baka leo re tlameha ho fumana Uena, Morena, haeba re ka tsoelapele. Hona ha re ho battele khanya ea rōna. Re ho battele khanya ea Hao. Hoba ke eona takatso ea pelō ea rōna, ke ho bona Jesu a tlotsitsoe bathong ba Hae. Ho natlafatsa tumelo ea bao, Morena, letsatsing lena la ntoa e boima, re tlela tsoselatso ena e hara rōna, le ho khutlela morao, ho hlasimolloa. Re U rapela ho re abela lintho tsena tsohle, hoba re e kopa ka Lebitso la Jesu. Amen.

Le ka lula fatše.

³ Moena Shakarian, Khaitseli Wyatt, le ho metsoalle ea Morena Morena Jesu Kreste oa rōna, ruri ke ananela monyetla oa ho khutlela Los Angeles hape, ho rera Jesu ea khanyang enoa eo re tiliheng koano ho ithuta haholoanyane ka eēna. Haeba maiteko a rōna...

⁴ [Motho o buisana le Moena Branham mabapi le limaekrofono—Mong.] E, monghali. [Sekheo lebanteng]... ka mokhoa ona. E batla e le taba e thata. Ho thoe, ntho ena ha e batle ho sebetsa. [Ba bang ba eletsa mabapi le ho hlophisa maekrofono.] Be, o ke ke oa sebetsa joalo. [Sekheo lebanteng]... Moena Shakarian. Joale oo o utloahala betere ho feta.

⁵ Ke batla ke le monyenyan, lentsoe la ka le le sesane, empa ka Molaetsa o moholohali ho tsoa ho Morena. Tšokelo ea Satane e matla, o leka ho O thibela ho tlisoa, empa re tla fihla mona leha ho lejoalo. Re tšepeile ena e tla ba veke e khōlō ho rōna bohle.

⁶ Ke ne ke lutse mono ke nahanne makhetlo a mangata ao Moena Thomas Wyatt oa rōna ea ratehang ea seng a iketse, ntle le pelaelo, a buileng sefaleng sona sena, mohlanka e moholo oa Kreste.

⁷ Ke ne ke tseba Moena Wyatt. Esale a ntšusumetsa ha ke kopana le eèna ke qoqa le eèna. Ke sa hopola, ke sa le moreri oa moshanyana, esale a . . . buka ea hae, e bitsoang, *Mapheo A Pholiso*. Ke rata sehlooho seo, *Mapheo A Pholiso*.

⁸ 'Me re thabetse ho kena tempeleng ena e khethetsoeng tšebetso ea Kreste. Molimo a hlohonolofatse mohlolahali oa hae, le lōna batho bohle ba . . . Ehlide, kea tseba hore le mo hlolahetsoe haholo, le lōna. Ke hlolahetsoe lenaneo la hae, ha ke utloa hore o tsamaile. Ke ne ke rata ho utloa lentsoe leo. O ne a se a tsofala, empa lentsoe la hae le ntse le le letle le le matla, 'me—'me a tšoere molaetsa o tsoang ho Molimo. 'Me bophelo ba hae bo sa ntse bo phela kahara lōna batho ting mona. Le koana masimong a boromuo a rometseng mekhahlelo eo, le lintho tse joalo, Evangelie sa ntse e tsamaea ka baka la Thomas Wyatt. Moea oa hae o phomole ka khotso hofihlela re kopana Lefatšeng le khanyang moo lefu le sa fihleng teng kapa botsofali. Re mona ho tsoelapele hofihlela nako ea rōna kapa hofihlela tsoho ea bohle mohla Jesu a tlang ho re lata bohle.

⁹ Joale kea tseba le na le tšebeletso mona, kea kholoa, bosius bona. 'Me ke boleletsoe, nakoana e fetileng, ha thoe—ha thoe le na le tšebeletso mona bosius bona, ka hona re tla potlaka ka lebelo le khonehang.

¹⁰ Hobane, ke na le Mantaha bosiu, Labobeli bosiu, Laborarō bosiu, le joalo, vekeng ena, ke tsepile Morena a tla re hlohonolofatsa. Re tla rapella bakuli. Re tla rera ka Kreste, haeba A rata, haeba e le thato ea Hae, ka matla ohle a tsoho ea Hae ao A tla re lumella ho e etsa ka oona. Ekaba eng le eng eo A re lumellang ho e etsa, re batla ho e etsa ka pelō eohle ea rōna. 'Me ke—ke a tseba hore O tla re hlohonolofatsa haeba re ka Mo lumela feela.

¹¹ 'Me joale pejana re phetla Lentsoe, ho Le bala, ke batla ho buisana le Eèna hape, re sa inamisa lihlooho tsa rōna 'me re khutsa joale, 'me rea tšepa hore pherekano e fetile. Rea elelloa, Bakreste bohle ba tseba, hore sera, sera sa rōna, se hlaha ka makhalo ohle. Empa, lea bona, ha lintho tse joalo li hlaha, le ikhutsetse. Molimo o tseba tsohle. Lea bona, le lule le khutsitse, A ka tšoha a etsa seo le sa se tsebeng hona joale. Ha re buisaneng le Eèna.

¹² Ntate, joale re U rapela ho khutsisa leoatle, Morena Jesu ea matla a tle a tsamaea ka Lentsoe la Hae hona joale, ho re kenya, lilikeng tse ncha, le matleng a Hae le liponahatsong.

Re kopa sena, re sa bala Lentsoe la Hae, ha Le ke le phelisoe lipelōng tsa rōna kajeno, re tle re Mo tsebe, ka matla a tsoho ea Hae. Hoba re e kopa ka Lebitso la Jesu. Amen.

¹³ Joale haeba le ka phetla Bukeng ea Deutronoma. Ke batla ho bala temana, kapa tse peli, ho tsoa Bukeng ea Deutronoma, khaolo ea 16 ea Deutronoma.

Elleloa khoeli ea Abibe, e bolelang 'Mesa, 'me u etsetse MORENA Molimo oa hao paseka ka eona: hobane ke ka khoeli ea Abibe MORENA Molimo oa hao a u ntšitseng... Egepeta bosiu.

U tla hlabela ea MORENA Molimo oa hao paseka, u mo hlabele mehlape le makhomo, nqalang moo MORENA a tla bea... (le ntšoarele)... nqalang eo MORENA a tla e khetha ho bea lebitso la hae teng.

U ke ke ua jelella paseka le bohobe bo lomositsoeng; ka matsatsi a supileng u tla ja mahobe a sa lomoisoang teng, le mahobe a mahlomola; hobane u tsoa naheng ea Egepeta ka potlako:... u tle u hopole ka matsatsi a ohle a ho phela ha hao letsatsi leo ka lona o tsoang naheng... Egepeta ka lona.

Ho se ke ha bonoa litomoso ha heno, mabopong ohle, ka matsatsi a supileng; le nama... teng, ea sehlabelo seo u se etsang ka ona mantsiboea a letsatsi la pele, e ka khona ho se ke ha salla ho fihlela hosasane letho.

U se ke ua hlabo paseka ho ofe monyako... eo MORENA Molimo oa hao a u neang eona:

E mpe e be nqalang eo MORENA Molimo oa hao a tla e khetha ho bea lebitso la hae ho eona, ke hona moo u tlāng ho hlabo paseka mantsiboea, leha letsatsi le likela, nakong joaloka eo u tsoang Egepeta ka eona.

¹⁴ [Kahara phutheho lesea lea lla—Mong.] Eka re hlahetsoe ke mathata hape. Kea kholoa nka hooeletsa ho feta moo. Uh-huh.

¹⁵ Ke batla ho bua ka temana e hlollang haholo nakoana feela, thapama ena, e mabapi le: *Nqalo E Khethetsoeng Ho Rapela Molimo.*

¹⁶ Joale, taba ena ha e tloaeleha. Empa ke buile khafetsa, hangata pele, hore Molimo ka tloaelo o ahile litseleng tse sa tloaeloang, libaka tse sa tloaeloang, o etsa lintho tse sa tloaelong, hobane A sa tloaeleha. Mang le mang ea lumelang ho Eèna, o itšoere ka mokhoa o sa tloaeloang. Re batla ho bua tse ngata, li ngata lintho tseo re ka li buang ka ho se tloaelehe ha Hae. Feela kea tseba hore bohle, ba tsebanang le Eèna, ba tseba hore ha A tloaeleha, o etsa lintho tse sa tloaelehang, ka linako tse ling ka nako e sa tloaelehang. Ka baka leo kajeno re tšepe Molimo a tla hlohonolofatsa tsena, palo ena ea Lentsoe, le therò eo ke khethileng ho bua le lôna ka eona.

¹⁷ Joale, ke nahana hore mathata a rōna mona a hlahisitsoe, sona, ba khaotse lihatisi ka mane, 'me ba pshemotse mollo oa limaekrofono. Ka baka leo, le haeba ba sa e lokise, khele, le tla nkutloa leha ho le joalo. Molimo o tla hlophisa litsebe tsa rōna ho utloa.

¹⁸ Lebaka leo ke batlang ho bua ka theron ena, ebile ke nako e tšoanelehang ho e etsa, kopanong ea Borakhoebo Ba Evangel E Tletseng, ka baka la likereke tsople, kapa boholo ba tsona, li emetsoe ke sehlopha sena, mekhatlo e fapaneng ea malumeli.

¹⁹ 'Me ke fumana, hangata, batho, ha ke kopana le bona seterateng, mebileng, le lifofaneng, litereneng, libeseng, ke re ho bona, "U Mokreste na?"

²⁰ E mong oa bona o itse, "Be, ke Momethodise. Ke Mobaptise. Ke Mopresbeteriene. Ke Moluthere. Mopentekosta," kapa ntho e kang eo.

²¹ Mang le mang o batla ho emela mokhatlo oa bolumeli. 'Me ebile ho itoketse ka botlalo ho emeloa ke mokhatlo oa bolumeli, empa, le joale, bobe ba eona ke bona, o mong le o mong o hopola sehlopha se itseng sena e le sona feela sehlopha se—se tla fihla Leholidöng, 'me e le sona feela seo—seo Molimo a emetsoeng ke sona, ka botlalo, ke sehlopoha sa motho ea itseng. Ke kholoa thapama ena e tla ba nako e lokileng ho e batalatsa. [Phutheho e opa liatla—Mong.] Ekaba lebaka la hobaneng Satane a sa phetse ho hlophana le maekrofonoo. Lea tseba, sohle seo motho a se etsang se tla hloleha, empa se etsoang ke Molimo ha se hlolehe. Erekaha e le nako e loketseng ho e etsa, nqalo e loketseng ho e etsa, ka hona, Molimo o re thusen, ka mohau oa Hae, re tla leka ka bokhoni ba matla a rōna ho bua ka eona.

²² Joale theron ena, e tsoang Bukeng ea Deutronoma. Ke utloisia hore Deutronoma... ke tsoere Mangolo le lintho tse ngotsoeng mona.

²³ Ke ne ke khona ho a hopola ka potlako, empa ka mora ho tlola mashome a mabeli a metso e mehlano, khetlo labobeli, ke batla ke thatafalloa ho e hopola kaofela. Ka hona, ke ee ke kene phaposing ke rapele. 'Me haeba A'nea Mangolo, kea ngola fatše, mohlomong le ntlha hang ka nako, e khemang le lona, ho leka ho hopotsa kelello ea ka kamoo A mphileng eona.

²⁴ *Deutronoma* ke lentsoe la Segerike le bolelang "melao e mebeli," lentsoe Deutronoma. 'Me Molimo o na le melao e mebeli.

²⁵ 'Me o mong ke molao oa lefu, ho hloka kutlo Lentsoeng la Hae. Re fumana, mohla Eva a hlokileng kutlo Lentsoeng la Hae, e hlahisitse lefu. Ke o mong oa melao ea Hae, "Mohla le se jang, le tla shoa mohlang oo."

²⁶ 'Me O boetse o na le molao o mong, e leng molao oa Bophelo, ka ho ba le kutlo. Ha u sa etse *sena* le lintho tse joalo, khele, u boloka Lentsoe la Hae, u tla phela.

²⁷ Pheletso ea litaba ke lintho tse peli, ho latela mohopolo oa ka, eona, ke ho boloka Lentsoe la Hae kapa ho se utloe Lentsoe la Hae.

²⁸ O mong oa melao ena o ntšitsoe Thaba Sinai. Athe o mong o ne o... Oona ke molao oa lefu. Molao o mong o ntšitsoe Thaba Kalvari, teng ho ntšitsoe molao oa Bophelo, ka Kreste Jesu.

O boetse o na le lilekane tse peli.

²⁹ O hlabile selekane le Adama, monna oa pele holima lefatše. "Me selekane seo sa theoa holima lipeelo, "Ha u etsa *hore-le-hore*, Ke tla etsa *hore-le-hore*." Adama a tlameha ho etsa ho hong ho baballa selekane sena se phela pela Molimo. A tlameha ho tsamaea ka litsela tsa Molimo, ho boloka Lentsoe la Hae lohle, a sa tlole Lentsoe le le leng.

³⁰ Eaba O etsa selekane se seng, sona sa hlajoa le Abrahama. Selekane sena se sa theoa holima lipeelo, empa se hloka lipeelo. Molimo o file Abrahama selekane, se sa tlamelloa letho, ho hang. Se hloka lipeelo! E seng, "Ke tla etsa." "Ke se ke qetile! Ke se ke e entse."

³¹ 'Me ke oona molao oo Bakreste ba tlamehang ho phela ka oona. Hase ka seo re se etsang ka borōna, empa ke ka seo A re etselitseng sona. Kreste o entsoe sehlabelo. Hase, "Hona A tlang ho etsoa sona." O se a entsoe joalo! Ke sehlahisoa se qetiloeng. O phetse, a shoa, a tsoha hape, a nyolohela Leholimōng, o khutlide ka sebopeho sa Moea o Halalelang. Ka hona, ke mosebetsi o qetiloeng, ho Molimo. Kreste, ea sa tsebeng sebe, o fetohile sebe sa ka; hore 'na ke tle ke eme sebakeng sa Hae, O ile a nka sebaka sa ka. Ke ne ke le ka ho Eèna, mane Kalvari, mohla A ne a shoa. Teng ke tšoanelo ho shoa le Eèna, ho phela. Hobane molao oa sebe le lefu o ahile kahara 'mele, u tlameha ho shoa, hore u tle u boelanngoe le Eèna.

³² Empa joale re fumana mantsoe ana ohle ao re ka a sebelisang, litemana tse khōlō tsena, etsoe re tseba bongata ba tsona, le lipapiso tse khōlō tsa Lengolo. Empa, thapama ena, re tobane le taba ena, hore, holima hona hohle, O sa ntse a bua ka nqalo e le 'ngoe eo A tlang ho kopanelo le uena ho eona, hara mehopolo ea rōna eohle e fapaneng. Re bile le Bojuda. Re bile le Mohammedanise. Re bile le... Re fumana lihlomathiso tsa mefuta eohle le mekhatlo ea malumeli, likereke, le lintho tse joalo, empa koana Molimo o tlalehile nqalo e le 'ngoe feela A tlang kopanelo le uena ho eona. Linqalo tseo tsohle, se seng le se seng se re, "O kopanelo kerekeng ea heso. 'Me ha u se setho sa kereke ea heso, A—A ke ke a kopana le uena. Uena, u tlameha ho kena sehlolpheng sena hoseng joalo A—ho seng joalo A ke ke a kopanelo le uena mono. Ho seng joalo, A ke ke a kopanelo le uena nqa esele ntle le mono, ke rialo."

³³ 'Me mona re Mo fumana a beile nqalo e le 'ngoe, nqalo e le 'ngoe feela. "U tla hlabelo sehlabelo sa hao nqalang eo Morena

Molimo oa hao a tlang ho e khetha.” Joale O khethile nqalo eo A kopanang le bana ba barapeli, ’me ba ne ba sa tlameha ho hlaba sehlabelo nqa esele haese nqalong e le ’ngoe eo. Nqalo efe esele e ke ke ea sebetsa. O ne a khethile nqalo e itseng eo A tlang ho kopana le bona. ’Me nqalo e le ’ngoe, eona feela, ke hona moo A kopanang le morapeli.

³⁴ Ka hona, haeba e le ’nete, re mpe re ele hloko ho fumana nqalo eo. Ke nahana re tlamehile, hore, joaloka batho ba itsebang re eshoa, ’me re phela morabeng o shoang, re phela mongoaheng o shoang, re phela sechabeng se shoang, tlasa folaga ea lefu.

³⁵ Ebile lefatše lena le tlameha ho feta kapele. Le ke ke la tsoella halelele. Sebe se tebile haholo. Se tsetse moeli oa tšepo. Tšepo ea lefatše e felile. Le fetile mono.

³⁶ Kea lumela Moea o Halalelang o qolotsa masimo, ho fumana *enoa* le *eane*, hobane hora e se e phirimile. Evangelie porofetetsoe sechaba sefe le sefe. Eaba E saloa morao ke mekha le ke lintho, empa koana Evangelie e khathile tema ka ho tšoana feela.

³⁷ ’Me joale, nakong ea qetelo, re bona lintho tse etsahalang ka mokhoa ona, temoso e khōlō hara bakhethoa ba Molimo, ke ho fumana se nèpahetseng. ’Me re tlameha ho tseba seo. Joale, e seng khopolo ea motho ea itseng, empa ho tseba seo ’Nete e leng sona, seo Bibele e se buang e le ’Nete. Hobane, nako e tla re phirimella, le leng la matsatsi ana, ’me lena ekaba letsatsi leo, re mpe re nahanisise seo Molimo a se buileng.

³⁸ Hopolang, Molimo ha o bua Lentsoe, A ke ke a le khutlisa. O tlameha ho itulela a tšoana. A ke ke a bua letho, a ntano re, “Be, Ke—Ke ne ke hlile ke sa rialo.” Lea bona, Ke mohlokapeletso. O tseba se fetisisang, le ho qaleng. Re ka bua lintho tseo re li nahanang li le khabane, re ntano li honyetsa kamora nako. Empa Molimo o ke ke oa etsa joalo, ebe o sala e le Molimo. Ka baka leo haeba E le mohlokapeletso, ha A—A etse joalo, hobane O phethehile Lentsoeng le leng le le leng. A ke ke a bua Lentsoe e se la Bosafeleng. Lintho tsa Hae tsa Bosafeleng li hlotse le Eèna qalong, mehopolo ea Hae, litholoana tsa Hae, ’me li mpa feela li iponahatsa holima lefatše kajeno.

³⁹ Joale, le hopole, O hlaphisitse nqalo, nqalo e ’ngoe feela eo A tla kopana le bana ba Hae ba lumelang. Nqalo esele e ke ke ea sebetsa.

⁴⁰ Hopolang, Jesu o boletse, mohla A ne a le holima lefatše, a buisana e sehlapha sa barapeli ba khabane, ba batle, ba hlalefileng, batho ba nang le cheseho, ba Molimo, empa Jesu o itse ho bona, “Le Ntšebeletsa lefeela,” le ruta melao ea batho e le Thuto. Le hopole bolumeli ba batho bao, ba ne ba ena le cheseho ho Molimo. Kea kholoa holane re ka bala batho ba cheseho e fetisang, ba letsatsi lena kapa ba letsatsi leo, ba ka re feta ka

cheseho. Hole haholo! Ha re bua ka ho boloka meetlo le melao, le lintho, ba phetse ka eona. 'Me ba ne ba chesehella Molimo haholo, 'me ba lumetse Molimo. Empa Jesu, Molimo o entsoeng nama hara rōna, o itse, "Le Ntšebeletsa lefeela." Joale, ha A re ba ne ba sa Mo sebeletse. Ba ne ba Mo sebeletsa, empa e le lefeela.

⁴¹ Ka baka leo ntho efe ea non-, ha e thuse letho, ha e molemo. Ha u a tlameha ho e etsa, hobane u senya nako ea hao. U senya phefumoloho ea hao, u senya maiteko a hao, pele u tseba seo u se etsang.

⁴² Ruri, efèla ha Molimo a batla phetheho bathong, kamoo Jesu a buileng, "Le phethehe joaloka Ntata lōna ea Maholimōng a phethehile," tlhophiso e tlamehile ebe e entsoe nqa e 'ngoe. 'Me O itse, "Ke tla khetha nqalo eo batho ba tla Ntšebeletsa ho eona. Nke ke ka kopana le bona nqalong eseles." 'Me, joale, eka khona ebe nqalo eo, 'me re tlameha ho e batlisisa. Ho fumana moo e leng teng, re ntano ea teng. Kea kholoa re tlamehile ho khelohela teng, ka potlako, mohla re fumanang nqalo, re tèle lintho tse ling lisele.

⁴³ Joale, hopolang, Jesu o buile mona Lengolong leo ke le qotsang. Meetlo ea batho ke lefeela. Ha rea tlameha ho tšoenyana le eona. Eka khona, ho be le nqalo eo A re hlophiselitseng eona, nqa e 'ngoe, eo re ka kenang ho eona 'me tšebeletso ea rōna e tla amohelo teng. Joale, le hopole, kantle ho nqalo e khethiloeng eo, ho sa tsotelloe botšepehi ba hao, hore u holima motheo hakae, u sa ntse u sebeletsa lefeela.

⁴⁴ Kea tseba e utloahala e khohlahetse. Empa, moaho o se o batla o phethiloe, ha re batle ha o sisinyeha. Ha re o tiiseng ka Evangel, hore batho ha ba kopana le lōna seterateng, kapa hohle moo le leng teng, lōna Bakreste, le khone ho ba arabela.

⁴⁵ Mohla hora eo ba reng, "Oh, *sena* ke Sane. 'Me ke bone *tsena* li etsa *sena*, le *sane* se etsa *sane*." Ruri, lintho *tsena* tsohle li tlameha ho hlaha. Empa e teng nqalo e hlophisitsoeng ke Molimo a inosi, 'me ke eona nqalo eo Molimo a kopanelang le morapeli, eona qha.

⁴⁶ Lemohang temana ea 2, "Le rapele nqalong eo Ke e khethileng." Ho khetha eng? Nqalo ena e Mo supa a khethile nqalo eo batho bohle ba rapelang ho eona. Linqalo tse ling ke lefeela. "Me nqalong eona ena," O itse, "Ke khethile ho bea Lebitso la Ka nqalong ena. Ke tla khetha nqalo, 'me Ke tla bea Lebitso la Ka ho eona, nqalong ena eo a tlang ho rapela ho eona."

⁴⁷ Joale, polelo ena e supa nqalo e le 'ngoe, e le 'ngoe feela. Eka khona ebe khetho ea Molimo; e ke ke ea eba ea rōna. Ha re na khetho ea letho; O se a e khethile. Joale, se khethoang ke Molimo se lokile. Nka khetha ka phoso, u ka khetha ka phoso, empa Molimo a ke ke. Ho khetha hantle. Ebile holima tsohle, eona, ke Eèna ea rapeloang. 'Me O na le nqalo moo A

batlang hore barapeli ba Hae ba kopanele teng, 'me ra tlameha ho kopana le Eèna mono. Ke eona feela nqalo eo A ahileng ho eona; O tla u mamela ho tsoa nqalang eo feela.

⁴⁸ Ha re elelloeng mona, hape, "Nqalo eo Ke e khethetseng ho Nthapela ho eona, Ke tla bea Lebitso la Ka nqalang eo."

⁴⁹ Oh, joale ha re batlisiseng Mangolo ho fumana nqalo eo A beileng Lebitso la Hae ho eona. Joale re fumana liriti le lipapiso, hohle kahara Bibele, re tseba seo, tsa linqalo tse fapaneng moo A kopaneng le batho, empa hase nqalo eo A tla kopanela le bona kajeno. Hobane e ne e mpa e le liriti tsa ho hong, tse nyolohelang nqalang ea makhonthe moo A tlang ho kopanela le batho, nqalo, Kereke eo A tlang ho kopanela kahara eona. 'Me nqalo e teng, Kereke e teng, nqalo eo Molimo a tsepitseng ho kopana le batho le ho arabela lithapelo tsa bona, hola feela ba ka fihla nqalang ena 'me ba Mo rapela.

⁵⁰ Joale re fumana bongata bo ipolelisang ho thoe—ho thoe ba fumane nqalo, Lebitso la Molimo le kahara nqalo ea bona. Empa, lea bona, ke *bona* ba beileng Lebitso la Molimo teng. Phapang e khòlò lipakeng tsa ha Molimo o bea Lebitso la Hae teng, leha motho a le bea teng, Lebitso la Hae teng. Lea bona? Re tsoanelia ho hopola hore Molimo o itse, ke Eèna ea tla bea teng. "Ke beile Lebitso la Ka. Ke tla bea Lebitso la Ka nqalang ena. 'Me ke eona nqalo eo Ke e khethang, le eo ke e khethetseng batho, ho rapela."

⁵¹ Sena, joale re bona liriti tsena tsa nako, li re hlahisetsa Kreste pontsheng. Testamente ea Khale eohle e taka seriti sa Jesu. Koana Egepeta, bosiu mohla tlameho e leng ho hlaba e—e konyana ea paseka ho sireletsa batho, rea elelloa hore Molimo o ne o hlophile nqalo, maemo a le mang. Ho sa tsotelehe bocha, boqheku ba moprista, molisa, u ka bang eng, u tsoanelia ho kena nqalang e ikhethang ena. Tsohle kantle ho nqalo eo, li timetse. U tsoanelia ho ba kahara nqalo e itseng ena, nqalo eo A e hlophisitseng.

⁵² Joale, re ka qeta nako e ngata, thapama ena, re ntse re hlalosa hoo, koana ekabe'ba ke ho pheta seo re seng re se tseba, kamoo Kreste a bapisitsoeng ka lipapiso. Konyana ea sehlabelo, kamoo e tlamehang ho bolokoa kateng, e ton a se nang sekoli, le kamoo e tlamehang ho hlajoa ke baholo, le kamoo mali a tlamehang hofafatsoa holima monyako, ntho eohle ke seriti sa ho tla ha Kreste. 'Me nqalo eo Molimo a kopaneng le morapeli e ne e le tlasa mali ana a tšolotsoeng, mohla lengeloi la Lefu le haolang le naha.

⁵³ Kea lumela hore re mathuleng a ho tsoa Egepeta, le leng la matsatsi ana, le ho kena Lefatsheng lena la pallo. 'Me ho fihlide nako ea hore re kene nqalang e loketseng, le ho tèla likhang tsena tse re teetseng hare, "Ke Mopresbeteriene. Ke Momethodise. Ke Mobaptise. Ke *sena*. Ke *sane* kapa se *seng*." Tsoang ho eona, le fumane moo nqalo ena e leng teng, hobane

lefu le hohle haese nqalong ea Hae e khethiloeng. Ruri lefu le tla otla le tiile, haeba re sa kena nqalong ea Hae e khethiloeng. Empa moo A khethang, lefu le ke ke la kena.

⁵⁴ Ha u ka elelloa konyana ea sehlabelo, lefu le se le otlike mono. Lefu le ne le tlike nqalong ena hobane konyana e shoele. Lefu le se le otlike teng. 'Me moo lefu le otlikeng teng, Molimo o tsepisitse e tla ba nqalo ea Hae. Hape, ha re Mo sheba, joale re bona seo konyana ea sehlabelo e neng e le sona, seo nqalo ea bophelo e neng e le eona mohlang oo.

⁵⁵ Joale, ho 'na, taba ena e khaola likhang tsohle. Kreste o hlaha ponahatsong, ke Konyana ea sehlabelo, taba ena e hlakola mekhatlo eohle ea malumeli, litumeloana tsohle, lihlomathiso tsohle, bokereke bohole. E hlakola ntho eohle. Ke hantle, hoba mona, rea fumana, hore ha A hlaha pontšeng, ke Èèna Lentsoe la Molimo le hloekileng le sa silafatsoang. Mohalaleli Johanne 1, e itse, "Lentsoe le ne le le tšimolohong, Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha hara rôna." Ka baka leo Ke Lentsoe la Molimo le sa silafatsoang le entsoeng nama, le bonahalitsoeng.

⁵⁶ 'Me ponahatso ena, re ka sitoa ho e khomathisa kerekeng efe lefatšeng kajeno, mokhatlong ofe oa bolumeli. Nqalong efe e kang eo, re ka sitoa ho e khomathisa ho eona, kaha ho se joalo. Re bea Lebitso la Kreste holima moaho, ebe re o bitsa likereke tsa "Kreste," le *sena, sane*, kapa se *seng*. Hoo ha ho lokise letho. Le ho leka, ho hang. Empa ha Molimo o bea Lebitso la Oona holima ntho, ke phetho.

⁵⁷ Joale, ha ho letho kahara Bibele le bapisang mekhatlo ea rôna ea seojoale, ntle le Babilona. Ke eona feela papiso ea mekhatlo ea seojoale sa rôna ka hara Bibele, ea borapeli bo hlophisisitsoeng, hobane bo ne bo theoe ke Nimrode 'me ea e-ba kopano e qobelloang batho ba barapeli. 'Me ke sona seo litumeloana tsa rôna le malumeli a li etsang kajeno, kopano ka khatello, "U tla fetoha setho sa rôna kapa u tla tsoa!" 'Me hona joale re fihla, ka chebo ea rôna, moo ntho eohle e hatelloang kopanong e le 'ngoe e khôlô. Empa ao ke machini a teiloeng ka boeletsi ba motho, 'me a ke ke a tiea. Hase thato ea Molimo. Hase lenaneo la Molimo, ho sa tsotelehe kamoo batho ba lekang ho le tlaleha e le lona. Hase lona. Le ke ke la ba joalo. Ho ke ke ha ba joalo, hore ebe lona. Molimo o ke ke oa bea Lebitso la Oona nthong e kang eo e latolang Lentsoe la Hae. Ebe Molimo o ka aha joang kahara ntho e latolang Lentsoe la Oona ka Sebele? U ke ke ua etsa joalo.

⁵⁸ Ka baka leo rea fumana, e ke ke ea hlongoa kerekeng efe, Methodise, Baptise, Presbeteriene, Pentekosta, Katolike, Greek Orthodox, e ka bang eng. Ha eso be nqalo ea Molimo ea ho rapela, le joale.

⁵⁹ Joale Molimo, O entseng tsepiso ena, o ke o tle 'me o e pake, hore e nèpahetse. E sebetsoa joalo. Haeba e sa ntse e le Molimo, E sa ntse e le Molimo! Haeba E kile ea eba Molimo, O sa lutse e le Molimo!

⁶⁰ 'Me joale re bona borapeli bona ba khatello, bo hlahella pontseng ea bona joale, ho teanya lihlotšoana tsohle "bonngoeng bo le bong bo boholo," ba bo bitsa joalo. Ba bang ba lumela *sena*, athe ba bang ba lumela *sane*; athe ba bang ba latola *sena*, le ba bang ba latola *sane*. Bibele e itse, "Na ba babeli ba ka tsamaea 'moho ba sa lumellane?" E ke ke ea sebetsa.

⁶¹ Re tlameha ho lumellana. 'Me ebe ka tumellano le eng? E seng tumellano le e mong, re tlameha ho lumellana le Lentsoe, le Molimo. E ka khona ebe tumellano le hoo.

⁶² Joale rea fumana, 'me kopano ea khatello e bapisitsoe ke lihlopha tsa batho mane Babilona. Molimo a ke ke a bea Lebitso la Hae holima ntho e kang eo. Ha A eso etse joalo 'me A ke ke a hlola a etsa joalo. Leha koana ba e lekile, ba beile lebitso la bona holima eona, ba beile Lebitso la Hae holima eona, empa ha se eona.

⁶³ Empa re fumana moo A beileng Lebitso la Hae teng, hobane ke nqalo 'me ke eona feela nqalo eo A e hlahiselitseng Bakreste ho tla ho eona, le bana ba lumelang, ho Mo rapela nqalang ena. Ebe nqalo ena ekabe e le efe?

⁶⁴ Joale ho e tshetsa, re ka qotsa Bibele eohle ho tshetsa seo ke se tlang ho se bua. Hoba, nqalo eo A e khethileng ke ka ho Kreste, ka ho Jesu Kreste. Ke ka ho Èëna, Mora oa Hae; Mora oa Molimo, Jesu Kreste.

⁶⁵ "Be," u itse, "Ha kea re Lengolo mona le baloa le re O itse O tla khetha nqalo, 'me ebile O tla bea 'Lebitso' la Hae nqalang eo."

⁶⁶ Be, kamehla mora o tla nka lebitso la ntate. Lebitso la ka ke Branham hobane ntate oa ka e ne e le Branham.

⁶⁷ 'Me Jesu o itse O tlie ka Lebitso la Ntate oa Hae. Mohalaleli Johanne 5:43, "Na Ke tla ka Lebitso la Ntate oa Ka 'me ha le Nkamohèle," ka baka leo ke hona moo Molimo a beileng Lebitso la Hae teng, tlasa sehlabelo sa Mora oa Hae ka Sebele! Ke eona nqalo e hlophisitsoeng ea Molimo. Ke hona moo batho ba ka kopanang le Molimo, ke ka ho Kreste. Ke eona nqalo ea Hae e hlophisitsoeng. Ha ho mokhatlo oa bolumeli, ha ho tumeloana, ha ho letho le sele, moo Molimo a tsepisitseng ho kopanela teng. O tla kopanela ka ho Jesu feela, hoba e le eona feela nqalo eo Lebitso la Hae le leng teng.

⁶⁸ Hape re utloa Jesu, ha ke sala Lengolo morao, Johanne, Johanne khaolo ea 5 le temana ea 43, O itse, "Ekare ha e mong a etla, 'me a etla ka lebitso la hae, feela eëna le tla mo amohela." Re ka ingolisa le tumeloana, "e mong," re ka ingolisa le

mokhatlo oa bolumeli, feela eèna le tla mo amohela; empa feela ha u amohela Jesu, ho fapane. “E mong o tla tla, ‘Ke tla re ke Momethodise, ke Mobaptise, ke Mopresbeteriene,’ feela eona le tla e amohela hantle. Empa ekare ha Ke etla ka Lebitso la Ntate oa Ka, ho etsa seo Ntate a mpoletseng Ke tla se etsa, feela ‘Na ha le nkamohele.’” O itse, “Johanne o tlie, ‘me o ne a tsoere bopaki bo boholo, empa feela bopaki ba Ka ho Molimo—ho Molimo bo boholo ho ba Johanne. Hobane seo Ntate a ’Neileng sona ho se etsa, sona Kea se etsa,’ Mantsoe a ngoliloeng ka Eèna, seo A tlamehang ho ba sona letsatsing leo. Hobane E ne e le . . .

⁶⁹ Lebitso la Hae e ne e le Molimo. Molimo o ruile litlotla tse ngata. *Molimo* ke tlotla, ka Boeona, o ile a bitsoa Jehova-jire, Jehovarapha, Jehova-manasse. O ile a bitsoa Rose ea Sarone, Mohalalitoe oa Phula, Naleli ea Meso; Alfa, Omega, Qalo le Qetello; e ntano ba Ntate, Mora, Moea o Halalelang; litlotla tsena tsohle.

⁷⁰ Empa Lebitso la Hae, Lebitso la Molimo ke “Jesu Kreste,” Motlotsuo. Ke lona Lebitso la Hae. O ne a qhoaetsoe litlotla tse ngata, empa feela Lebitso le leng, ke lona feela, “Ha ho Lebitso le leng leo batho ba le filoeng tlasa Leholidmō, leo le ka bolokehang ke lona.” Re fumana taba eo e le ’nete.

⁷¹ Ho boetse ho beiloe temoso ena, ho thoe, “Mohla enoa a tlang, ea tlang ka lebitso la hae, ‘Methodise, Baptise, Presbeteriene, Pentekosta,’ le a joalo, feela eèna le tla mo ahomela. Le tla ingolisa le eèna.” Empa Kreste eèna o a latoloa. Ntho Eo eona ba e latola.

⁷² Moporofeta o boletse! Ha re saleng lebitso la hae morao nakoana. Moporofeta o itse, “Lebitso la Hae o tla bitsoa ‘Emmanuele.’” Joale, ke Esaia ea itsalong, nka re khaolong ea 7. Hape le ho Mattheu 1:23, ho itsoe, “Hona hohle ho entsoe, hore ho etsahale ho boletsoeng ke Morena ka moporofeta, ha ho thoe, ‘Lebitso la Hae o tla bitsoa *Emmanuele*, ha ho fetoloa ke ho re, ‘Molimo o na le röna.’””

⁷³ Emmanuele, ‘me Lebitso la Hae e ne e le Jesu, Molimo o na le röna, o ne a nkile Lebitso la Ntate oa Hae. O tlie ka Lebitso la Ntate oa Hae. Ke hona moo Molimo a beileng Lebitso la Hae teng, ka ho Mora oa Hae. U ka Mo rapela feela nqalang eo. Molimo o tla kopana le uena nqalang eo feela, ke ka ho Mora eo ea bapisitsoeng ke konyana ea sehlabelo. Hohle ho haola le Testamente ea Khale, lipapiso tsohle li taka ntho e le ’ngoe eo, nqalo e le ’ngoe eo, Molimo, a inotsi, o ne a kopanela tlasa mali a sehlabelo. O ne a kopanela nqalang e le ’ngoe feela, ke eona feela nqalo eo A kopanelang teng kajeno; ha se ka tumeloana, kapa ka lebitso la bolumeli, lebitso la kereke, kapa lebitso la sehlopha, kapa lebitso la lequloana, empa ka Lebitso la “Jesu Kreste!”

⁷⁴ Ke e hlahlobile ke sa le mohlankana. Esale ke utloela ka baupelli, ba diabolosi, kamoo a sebetsang lintho kateng. ‘Me

ka tseba hore haeba Molimo a le teng, diabolosi o tšoanetse a be a le teng, hobane Bibele e itse diabolosi o teng. 'Me eèna, ka nahana... ke ne ke utloetse ka baupelli bana. Eaba ke etela ba bang, ka ba fumana e le mafosisa, ho se letho mono, ke khahlakhahla ea boipeho-tumelo feela. Empa ka fumana ba bang e le baupelli ba makhonthe.

⁷⁵ Nkile ka etela liahelo, 'na le moreri re etile ho ea ba bona. Ba ile ba phahamisa tafole fulurung, ba beile ligalasse tsa wiski holima eona; ba nka tafole eo, ba e phetolela pele le morao. Katara e fofa ka hara moaho; liaparo tsa batho. Ba nyolotse ntho ena, ka hara phaposi. Ha thoe, senohe sena sa re, "Ke phepetsha mang le mang ho e lihela fatše."

⁷⁶ Banna ba babeli ba re, "Ke tla e theola." Eaba ba e tšoara ka maotoana *joalo*, ba leka ho e tšoara. Ea hana. Khele, eaba tafole eo e ba tjebela hole koana ntlheng ea fuluru.

⁷⁷ U se ke ua itulela feela u sa etse letho. Haeba u eso be morongoa 'me u eso kene masimong, 'me u itsebela mohopolo oa diabolosi feela. Ha u sheba batho ba bang bana ba tsamaeang seterateng, u ka 'mona. Empa diabolosi o teng! Ruri bo.

⁷⁸ 'Me batho ba rapela diabolosi, ba sa tsebe le seo ba se etsang. Ba rapela diabolosi ka hara likereke, "Ba ruta melao ea batho ho tlatsa sebaka sa Thuto, litumeloana—litumeloana le lineletsano." Ke itse...

⁷⁹ Mosali enoa o ile a nkhoeletsa, 'me a re, "Ho thoe u moreri."

Ka re, "Ke eèna."

⁸⁰ A re, "Haeba u sa khone..." Ho re, "U nahana'ng ka sena?"

Ka re, "Ke diabolosi."

⁸¹ 'Me a re, "Be, ka hona, haeba u na le matla a makaalo, e lihele fatše."

⁸² Ka re, "Ha ke na matla a letho, ho hang. Ha ke na matla, empa mona ke lenqosa la e Mong."

⁸³ Ka re, "Morena Jesu, U boletse, ho Mohalaleli Mareka khaolo ea 16, 'Ba tla leleka bademona ka Lebitso la Ka.'" Ka re, "Joale, hore mohlanka oa Hao a tle a tsebe, ntoa e eme ka pela ka!"

⁸⁴ Ka re, "Tafole eo ke e laela ho oela fatše, ka lebitso la 'Kereke e halalelang,'" eaba e ituletse mono. Ka re, "Ke laela tafole eo ho oela fatše mono, ka lebitso la 'Ntate, Mora, le Moea o Halalelang,'" eaba e ituletse mono. Ka re, "Tafole eo ke e laela ho oela fatše, ka Lebitso la 'Jesu Kreste,'" 'me ea batla e robeha maoto ohle a mane, ha e ratlana fulurung!

⁸⁵ "Ka Lebitso la Ka ba tla leleka bademona!" Ke lona Lebitso la Ntate leo. O beile Lebitso la Hae ka ho Jesu Kreste.

'Me ka ho Eèna O kopana, ho rapela. Ka ho Eèna O kopana, ho leleka bademona. Ka ho Eèna O kopana, ho folisa bakuli. Ka ho Eèna O kopana, ho pholosa. Ka ho Eèna O kopana, ho pholosa, ho tlatsa ka Moea o Halalelang. Ke eona feela nqalo ea Molimo ea ho kopanela le batho ho rapela. Joale re fumana Jesu a boetse a buile hoo... Hore lentsoe, Lebitso Jesu, le bolela "Jehova-Mopholosi," Jehova ke Mopholosi.

⁸⁶ Hopolang, "U se ke ua rapela Morena..." Hobaneng? Temana ea 5, "U se ke ua rapela Morena likhorong life, tseo Morena Molimo a u neileng tsona. Likhorong life, u se ke ua Mo rapela teng," Molimo o itsalo, temaneng ea 5 mona, Deutronoma 16. "U se ke ua Mo rapela likhorong life, tseo Morena Molimo a u neileng tsona. O u neile lintho tsena e le liteko." Re tla kena ho eona, vekeng ena, ha Morena a ratile, ho bona haeba Molimo a honyetsa Lentsoe la Hae, kapa che. Lemohang, O u neile likhorong tseo, empa u se ke ua rapela Morena khorong efe ho tseo, hobane Morena Molimo oa hao a ke ke a kopana le uena mono.

⁸⁷ Empa Morena Molimo o khethile khoror. O khethile monyako. Jesu o itse, ho Mohalaleli Johanne khaolo ea 10, "Ke 'Na monyako oa linku. Ke 'Na monyako oo." Ke Jehova-Mopholosi.

⁸⁸ Joale re ka tsoella lihora mona, re ntse re e hlalosa. Empa kea kholoa le a utloisia, ka boitšoaro ba lõna, kamoo le—le arabelang 'Nete le Lentsoeng. Ha re sa tla tsoela pele, le ka e isa hohle moo le batlang. Hohle moo u fihang teng, haeba e le 'Nete, e tla khohlelana hantle le Lentsoe lohle. U ke ke ua buisa Bibele ntho e sele nqa e 'ngoe, le e 'ngoe nqa e sele, e thulana le seo A se buileng pele. E tlameha ho tšoana ka linako tsohle.

⁸⁹ Mona ke tlola Lengolo le le ngata, hobane ke bona nako e ntse e phirima. 'Me khaitseli ea rôna le bao ba til'o tšoara tšebeletso mona bosiung bona, 'me re batla ho rapella bakuli. Ke hore, le ho fumana, Billy, haeba ba tšoere litlankana tse itseng tsa thapelo.

⁹⁰ [Motho o re, "Ha ho tšebeletso bosiung bona."—Mong.] Ha ho tšebeletso. Ke botle. Ke botle, ke botle. Ho lokile. Joale ha re e fumaneng. Ho lokile. Ho lokile. [Phutheho e opa liatla] Re tšepa Morena a tla hlohonolofatsa leleiti lena ka sena, ka ho re lumella ho fumana nqalo ena, ho re fa nako ena.

⁹¹ Bopaki bo supang Jesu e le nqalo eo bo bongata. Ke khoror, Ke Lebitso leo, le eona feela tsela eo Molimo a e hlahiseltseng motho ho kopanelang teng thapelang. Ke Tsela, 'Nete, Bophelo; Khoror, Monyako; Alfa, Omega, Qalo le Qetello; Rose ea Sarone, Mohalalitoe oa Phula, Naleli ea Meso; Alfa, Omega. Ke tsohle, ntho eohle ha e bokantsoe 'moho. Ke Motso le Lehlomela la Davida, Naleli e Phatsimang ea Meso. Botlalo bohole ba BoMolimo bo ahile ho Eèna, ka 'mele, ka mono

re joaloka bara le barali ba Molimo, ka hara Bomolimo ba Molimo. E. Joaloka bara le barali, re mothapo oa leloko, haeba u le ka hare ka mono.

⁹² Joale re kena joang nqalang e khōlō ena ho rapela? Ke eona potso e latelang eo. Re kena joang nqalang ena, haeba Jesu e le nqalo eo? Ke Lebitso la Molimo. Ke nqalo ea Molimo ea ho rapela. 'Me Ke oona feela monyako oa linku. 'Me re batla ho fumana kamoo kenang ka ho Eēna.

⁹³ Joale, haeba u kene ka monyako, ehlile, u kena joaloka oa lelapa, kamoo re buileng ka eona tsatsi le leng, eona... kapa borakefeseng, ka nku e nyenyane, eo Molimo o sa kang oa e koalla monyako pele A fumane nku e nyenyane eo ea ho qetela 'me a e hlahletse ka hare. Haeba u kene, u fetoha leloko la lelapa. U lelapa la Molimo ha u kene ka hara Molimo. Empa u ke ke ua ba mothapo oa lelapa la Molimo 'me ua ba Presbetriene, Methodise, Baptise, le Pentekosta. U ke ke ua khona. U tlameha ho kena ka ho Jesu Kreste.

⁹⁴ "Be," u re, "re e entse." Re tla bona haeba le entse joalo.

⁹⁵ Ha re fumaneng seo Bibele e se buang joale. Rea fumana, ho Bakorinthe ba Pele, khaolo ea 12, Bibele e boletse, "Ka Moea o le mong re kolobetsoa bohole 'Meleng o le mong.' Re kolobeletsoa bohole 'Meleng oa Kreste, ka Moea o Halalelang o le mong. Ha re tsukutleloe ka hare, ha re ingolisetse teng, ha re kolobeletsoe teng ka metsi. Re kolobetsoa teng ka Moea o Halalelang, ka hara 'Mele oa Jesu Kreste.

⁹⁶ E tsoella nako e kae ha u kena ka hare ka Mono, hofihlela o itšoara hampe? Baefese 4:30 e re, "Le se ke la soabisa Moea o Halalelang oa Molimo, oo le tšoailoeng ke oona hofihlela letsatsi la topollo ea lōna." Ako Mo phehise khang, e seng 'na. Ke sona seo E se buang. Ke ntse ke E bala. Ho lokile. "U tšoailoe hofihlela letsatsi la topollo ea hao," hofihlela mohla Jesu a tlang ho u lata. Ako e nahane!

⁹⁷ Ha esale uena, u 'mopua e mocha, hobane Segerike mono se bolela "popo e ncha." U boetse u bopiloe bocha. Matla a Molimo a theohela holima hao, 'me u a boptjoa, 'mopua e mocha; ntho eohle e bea motho oa nama, motho oa moea le ntho efe le efe, tlasa bolaoli ba Lentsoe la Molimo. Ha ho mokhoa o mong!

⁹⁸ U ka ipitsa Mokreste joang, u sa utloe Lentsoe la Hae nthong e le 'ngoe? Ea sa utloeng molao tabeng e le 'ngoe—e le 'ngoe ea Oona, o ne a le molato ho Oona kaofela. Mang le mang! Jesu o itsé, "Motho a ke ke a phela ke bohobe feela, empa le ka Lentsoe le leng le le leng le tsoang molomong oa Molimo." E seng karolo ea Mantsoe; Lentsoe le leng le le leng! Taba eo O e buile ho Tšenolo khaolo ea 22, "Ekare ha e mong a tlosa Lentsoe le le leng Bukeng ena, kapa a eketsa lentsoe

le le leng ho Eona, kabelo ea hae—ea hae e tla tlsooa Bukeng ea Bophelo.” Ha rea tlameha ho tlsoa letho Bibeleng, kapa ho eketsa letho ho Eona. Bua feela seo E se buang.

⁹⁹ ’Me ho ea Pele ea Bakorinthe 12, E itse, “Ka Moea o le mong re kolobeletsoa bohle ‘Meleng o le mong.”

¹⁰⁰ Joale hoba u kene ka hara ’Mele ona, Baroma 8:1 e itse, “Ha ho sa le tsuo joale ho ba leng ka ho Kreste Jesu, ba sa tsamaeeng ka nama, ba mpa ba tsamaea ka Moea.” Ke eona nqalo eo tsuo e leng sieo ho eona. Le haeba u ka ea ho Methodise, Baptise, kereke ea Presbeteriene, e ka bang kae; ha u le ka ho Kreste, u ’mopuoaa e mocha, ’me ha ho tsuo ho uena, kae kapa kae feela. Ke eona eo nqalo ea Molimo ea kopanelo. Ke hona moo Molimo a kopanang le morapeli. Ke hona moo u nkouang u le ’mopuoaa e mocha, hoba ba shoele ka nqa ea lintho tsa lefatše. Ba phela ka ho Eèna. Boleng bo phelang ba Molimo bo hlola le bona, letsatsi le letsatsi.

¹⁰¹ O phela ka ho bona, mongoaheng o mong le o mong. Mongoaha o mong le o mong ha o fihla, ho theoha le Bibele, enereha motho a phethisa tlhoko ea Molimo, a kena nqalang eo A e hlophisitseng Lentsoeng la Hae le ngoletsoeng letsatsi leo, Molimo o ne o fetola motho eo ’mopuoaa e mocha, ’me ha ho tsuo ho eèna. Le shebe Jobo.

¹⁰² Na ke le koala litsebe, ka limaekrofono tsena? Ke masoabi ka eona. Kea tseba hore molumo o a khutlelana ka mona. Le ’na kea o utloa, ka bona.

¹⁰³ Empa, shebang. Jobo, ho sa tsottelehe bongata ba batho ba lekang ho mo ahlol, bongata bo itseng o sitiloe, o ne a bolokile molao oa Molimo, ka sehlabeledo seo sa secheso. O itsebile a beiloe ea lokileng, hobane o ne a bolokile melao ea Molimo. O ne a beiloe ea lokileng joalo, hobane o ne a phethile lintho tseo Molimo a li hlokileng ho eèna.

¹⁰⁴ Boleng bo phelang ba Molimo bo bonesa letsatsi, letšeare ka leng, ho tloha lefung la litumeloana, ho ea Bophelong le ho isa Lentsoeng la letsatsi. Joale, Molimo o etsa lintho tse itseng.

¹⁰⁵ Joaloka e—e palesa e nyenyane, kamoo ke buileng hoseng hoo ha selallo sa hoseng. Peō ha e chabeloa ke leseli, e qala e hola. E nosoa selibeng sa Molimo, e lula e foħla e be e hlahiise monoko, e finyella palesa, e nyoloha hofihlela e thunya.

¹⁰⁶ Joale rea fumana, ha re qala ka Kreste, re hola ka ho tsoana, hobane re hola mohaung le tšabong ea Molimo.

¹⁰⁷ Leano le le leng feela la Molimo le hlophiselitsoeng, mongoaha ofe, ke Lentsoe la Hae. Mora oa Hae o tlie eaba o bonahatsa tsepiso efe le efe e baletsoeng mongoaha oa Hae. Baporofeta bohle ba fihlile hantle ka nako, bao e ne e le Lentsoe la Molimo le phelang holima lefatše. Bao e ne e le Lentsoe. Jesu o ba bitsitse “melimo.” Baporofeta bao Jesu o bitsitse, “melimo.”

¹⁰⁸ Monna o kopane le nna kopanong ea ka ea ho qetela, o itse, "U moithuti ea fokolang oa thutamolimo."

¹⁰⁹ Ka re, "Ha ke ipitse e mong." Ka re, "Lentsoe ha le tlele moithuti oa thutamolimo; thutamolimo ke eona e fihlang." Lentsoe le tlela...Lea bona? Ka re, "Ke thutamolimo e tlelang moithuti oa eona. Empa," ka re, "re bua ka ntho e 'ngoe e fapaneng."

¹¹⁰ Joale re fumana, mongoaheng o mong le o mong, enereha Molimo o bolela taba e tlang ho hlaha, monna o ne a fihla a e bonahatse, batho bana ba fihle ho e phela. Molimo ka sebele sa Hae o ne o phela kahara batho bao, kaha e ne e le karabelo ea Lentsoe la Hae.

¹¹¹ Joale, tsela e le 'ngoe e hlophisisitsoeng ea Molimo le lona feela leano le hlophiselitsoeng, kajeno, ke Mora oa Hae, ka Lentsoe la Hae la mongoaha ona, le phelisitsoeng ke Moea oa bophelo ba Hae, ho phelisoa.

¹¹² Joale re fumana likolo tse khōlō tsa thutabomolimo. 'Me khafetsa ha re etsa joalo... Ha ke khahlano le eona, le ho leka. Empa, lea bona, ha u thea sekolo sa thutabomolimo...

¹¹³ Jesu o boletse, ho Mohalaleli Johanne 4, "Nako ea tla, le joale e se e fihlile, eo ka eona Molimo, e leng Moea, a tlang ho rapeloa ka Moea le ka 'Nete." Joale batho bang ba na le Moea, 'Nete e le sieo. Ba bang ba na le 'Nete, Moea o le sieo.

¹¹⁴ Ho joaleka re emisitse koloi ea tonana, re tla nka leeto ka Cadillac. 'Me Cadillac tse peli tseo li entsoe ka ho tšoana, ebe re li sutumeletsa ka tle mona 'me re...ho nosoa litankeng, ebe re li tlatsa mafura bobeli. U ntano lumisa e 'ngoe ebe u lumisa e 'ngoe. Be, u a sheba, u re, "Litulo li monate. Seterebili se setle, se noketsoe lifahanyana tsa taemaene. 'Me e manobonobo, e lulisa...e lula hamonate. Ebe u lula fatše u khalehe. 'Me, oh, u ka etsa efe le efe, lintho tse ngata, empa, u a bona, e 'ngoe ho tsona... Kaofela ha tsona li hlahletsoe lihlomo tse tšoanelang, empa e 'ngoe e hlohliloe sefutho. U a bona, u ka tseba lihlomo, empa sefutho ke sona se lumisang lihlomo, ho se kenya tšebetsong.

¹¹⁵ Ke bona bothata ba kereke kajeno. Re hlohliloe thutamolimo, athe e hloka sefutho ka hare. Ke hantle. Lea bona?

¹¹⁶ Ka mantsoe a mang, u tlameha ho fihlisa tlhase mafureng, ho seng joalo mafura a mpa a itšoanela le...Ha a fetise le metsi ka molemo, ha feela a hloka tlhase ho a hotetsa. Ho joalo, ke hona.

¹¹⁷ Ho sa tsotelehe na re rutoa hamonate hakae, re lumela hantle hakae, le kamoo re tlalehang Bibebe e nèpile, re bile re e lumela e nèpile eohle, e-e sefutho se tlameha ho fihla mono, tlhase, ho hotetsa Lentsoe leo ka mollo, ho qala ho e tsamaisa. E tlameha ho fumana seo. Ha u sa etse joalo, kereke e itholetse, koloi e itholetse,

le uena u tla itholela. Empa leha koana u ka re, “Ke e utloela bohloko. Ke lumela Lentsoe ka leng la Eona.” U tlameha ho hotetsa ntho eo ka tlhase, ho tukisa okteine eo ea dipheresente tse lekholo, ke moo Kereke e khōlō ea Molimo e qalang e phikoloha e khata tema. Sefutho le lihlomo li tlameha ho sebelisana ’moho. Lihlomo ha li na phoso, li mpa li hloka sefutho.

¹¹⁸ ’Me ke nahana e le bona bothata ba kereke kajeno, re haelloa ke sefutho seo sa matla, ho qobella Lentsoe lena hore Le phelele letsatsi lena.

¹¹⁹ Martin Luther o ne a hlohlioe lihlomo le sefutho, tsa letsatsi la hae. John Wesley o ne a hlohlioe, tsa letsatsi la hae. Pentekosta e ne e hlohlioe, tsa letsatsi la bona.

¹²⁰ Ho ka thoeng ka letsatsi la rōna? Ena ke nako e ’ngoe! Kereke e tlamehile e be e holile ho hotle hona joale, e se e loketse ho kopana le Kreste, e ntse e bonahatsa lehlohonolo le leng le le leng leo A le tsepisitseng ka hara Bibele, le sebetsa ka hara ’Mele o le mong oo o moholo e leng moo A tsepisitseng A tla kopana le batho ’me a rapeloa, ka hara Kereke e khōlō ena ea Hae.

¹²¹ Empa, lea bona, re rometse bana ba rōna sekolong, re ithuta ho bala, ho ngola, lipalo tsa arithmatiki, nalane eohle ea baporofeta le eng le eng. Hoo ho itoketse, empa pele u e susumetsa ka ho hong!

¹²² “Oh,” u rialo, “be, ke—ke hoelelitse. Ke buile ka lipuo.” Ho hotle. Le ’na, ke lumela seo. Empa ha se seo ke buang ka sona. Lea bona, u tla—u tla . . . khakhatsa metsi. U re, “Plank-plank, boomp-boomp,” joaloka koloi ea khale e lekang ho luma. U re, “Yaa, ke lumela *sena*. Ke lumela *sane*, hape. Empa, haele tabeng *ena*, matsatsi ao, oh, che. Che!”

¹²³ Ke okteine ea matla a lekholo, moena, e hlohloang ke jenereitara ea lesika, e tla hotetsa Lentsoe le leng le le leng la Molimo ho rua tsepiso ea Lona. Ke hantle.

¹²⁴ Ke bona bothata ba rōna kajeno, re se re batla re eme tsi. Re batla ho lumela *sena*, ho lumela *sane*.

¹²⁵ Ha ke bua ntho, mabapi le Sena. “Be, ha ke tsebe.” Be, Bibele e itsalo! Ke phetho. Haeba Molimo a itsalo, e tlameha ho etsoa. Haeba re . . . Haeba Molimo a e laetse ho etsoa, re tlameha ho e etsa. Lula mono feela hofihlela Molimo a e hotetsa ka mollo, ebe moo u qalang u matha ka kotlolohlo hape, u a bona. Ha u sa etse joalo, liplakse lia homeloa. Re hloka ntho e fapaneng, re hloka ntho ho re hotetsa re thakhoha.

¹²⁶ Eleloang hape, ha A tle ka Moea o Halalelang feela, ka ho ithuta Lentsoe la Hae, O bonahatsa Lentsoe leo. Joale le hopole, baporofeta ba lumela Lentsoe. Ba amohela Lentsoe la Molimo. ’Me eaba Molimo e leng Moea o Halalelang o kena ho bona ’me a hotetsa tsepiso eo ka mollo, le ho e phethisa. Oh, khili! Ea tla e ahlola ke mang?

¹²⁷ Jesu o itse, “Ke mang ea ka Nqosang ka sebe? *Sebe* ke ho ‘se lumele.’ Sohle seo Molimo a se ngolileng le sohle seo baporofeta ba se buileng, Ke Karabo ea sona. Seo ba boletseng Ke tla se etsa, Kea se etsa.” O tlie e le moporofeta, Mora motho. Ehlide E ne e le eèna, le seo A ipakileng a le sona. E ne e le eèna. Hobaneng? Sefutho se ne se le teng ho hotetsa lihlomo. E ne e le lihlomo, Mora ka Sebele, ’me Ntate e ne e le sefutho. “Ha se ‘Na ea etsang mesebetsi, ke Ntate oa Ka ea ahileng ho ‘Na. Ke eèna Ea hloholetsang e—e—e sefutho le ea tsamaisang ntho ena. Ke Eèna ea e phethisang.”

¹²⁸ “Na nkile Ka bolela taba...” Joaloka Samuele ea kileng a bolella batho, “Na nkile ka le bolella taba, ka Lebitso la Morena, e sa kang ea hlaha?” Lea bona? “Nkile ka e bua neng, ’me ke neng mohla e sa kang ea hlaha ea etsahala?”

¹²⁹ “Oh, uena, sohle seo u re boleletseng sona se hlahile, feela re batla morena leha ho le joalo.”

¹³⁰ Le kajeno ho a tšoana. Batho ba batla ho hamarela mehopoloana ea bona e sa tsebisahaleng. Ba batla ho hamarela litumeloana tsa bona. Ba batla ho hamarela sena. Ba bua ka tsoseletso letsatsing la rōna, re ka fumana tsoseletso joang e hlekemane tjena? Mafura a tsoakane le metsi le ntho eohle e sele, e tsoakane le mekelikeli ea sesepa sa mefuta eohle le lintho tsena tsohle tsa mehla ea joale.

¹³¹ Tsatsi le leng ha ke theoha ka tsela, ha thoe, ele ha ho thaotheloa mokelikeli oa sesepa sa mehla ena, ha thoe, “Ha u a tlameha le ho hlatsoa lijana, u li ina ka mono feela u ntano li inola.”

¹³² Ka nahana, “Ke tlil’o fetoha mohale lapeng la ka.” Eaba ke tloha ho ea iphumanelia lebokose la ntho ena.

¹³³ Ka re ho mohatsa ka, “U ka ikela, ratu, e re ke hlatsoe lijana.”

¹³⁴ Ka nahana, “Moshana, mathaka ao a tseba taba tsa bona, boramahlale bao. Mohatsa ka ke tla ‘montša. Ke tla, o tla... ebole seo ke se etsang, se tla rata. Ke ho li ina feela le ho li inola, ke phetho.”

¹³⁵ Bana ba ne ba jele borakefese ba mahe. Eaba ke tšela semonyolli sena, ka li ina, ka li inola, ka boela ke li ina ka li inola. Mahe a ntse a li hometse. E, monghali. Ha ke sa lumela letho leo ke le utloang thelebisheneng, hape. Che, monghali. Che, che. Che, lekhale.

¹³⁶ Le joalo ha ke lumele hore tsamaiso efe e teiloeng ke motho e tla tiea. Molimo o hlophisitse tsela e le ‘ngoe. Ha se Methodise, Baptise, Presbetriene; empa ke Jesu Kreste, ka Tsoalo e ncha, ka ho lumela Bibele eo. Ke eona tsela e hlophisitsoeng ke Molimo eo, ’me tsela ea Hae feela, e ka ho Jesu Kreste, Mora oa Hae. ’Me, O beile Lebitso la Hae, ka ho

Mora oa Hae. La Hae! Lebitso la Molimo ke Jesu, hobane O ttile ka Lebitso la Ntate oa Hae. E tla ba leo ke Lebitso la Molimo, hobane E ne e le Molimo.

¹³⁷ Joale le lemohe, ha matla a maholo ana a tsamaeang a Molimo a tlela mora oa Molimo, a mo phelisa, Moea oa Bophelo o kena ka ho eëna. Ebe o etsa'ng? O ba lulisa libakeng tsa Lehelimō, hona joale. Ha se hona "ba tla." Re mono hona joale. Hona joale re se re tsositsoe, sefutho le lihlomo li se li sebetsa, li re phelisitse, 'me re phelisitsoe ka pela Sefahleho sa Molimo, e leng moo Moea oa Hae o leng teng. 'Me hona joale re lutse 'moho libakeng tsa Lehelimō, ka ho Kreste Jesu; ka ho Kreste Jesu, ho lula mono, setulo se seholo seo se seng se hotelitsoe, ho tsosoa bafung. Re karolo ea eona. Haeba u le karolo ea Monyalua, u joalo, hobane Monyalua ke karolo ea Monyal, lea tseba. Re fumana ho itšanelia ke hona, 'me O tla etsa tseo A baletsoeng ho li etsa letsatsing lena. A ke ke a fetoha Laodisea, lekhale a ke ke a ba fofo. Empa O tla be a tuka ho Molimo, O tla be a tsamaea ka Moea oa Molimo.

¹³⁸ Joale re shebile mona ho fumana. Joale rōna, mohla sena se hlhang, mohla sena se re teang; 'me, hang, athe re na be re shoele sebeng le litlolong, litlolo, ke rialo, o...re se re phelisitsoe 'moho nqa Lentsoe la Hae la mongoaha ona.

¹³⁹ Joale ha re hopoleng motšeо koana mehleng ea khale, ka motho ea ileng a phelisoa ke Lentsoe lena; pejana feela re tšoara tšebeletso ea ho rapella bakuli. Ha re qotseng limelo tse 'maloa, le bee limelo tsa bona leihlo.

¹⁴⁰ Mona re qotsa monna ea ileng a boloka Lentsoe la Molimo lohle, morao koana ka hara Testamente ea Khale, ea bitsoang Henoke. O kile a phelisoa ke Lentsoe la Molimo hona, a bileng a fuoa bopaki, bo reng, "O khahlisitse Molimo." Ha ho letho leo Molimo a le laetseng Henoke ho le etsa a sa ka a le etsa.

¹⁴¹ Kea ipotsa ebe boHenoke ba ba kae mona thapama ena, ke hore, haeba u e tseba e le ka hara Lentsoe la Molimo? Ke basali ba ba kae ba lōna ba pommeng moriri ba ka ipitsang Mohenoke, lea bona, lea bona, athe le tseba Molimo a e khalema? Ke banna ba ba kae, ba lumellang basali ho etsa joalo, le ka ipitsang Henoke? Oh, khili! Eo ke ntho e le 'ngoe, le reng ka likete tsa tsona? Ebe re kobotela fatše, ho thoë, "Ke setho se *hona*, 'me ke setho sa *hoane*." U ka ba setho ea hoo, empa...pele u kena nqalong e hlophisisitsoeng ke Molimo! 'Me u ke ke ua kena teng haese ka ho fetoha karolo ea Lentsoe leo. 'Me, ha u le karolo ea Lona, u fetoha Lona ka bottlalo, u ikokobeletsa tsohle. Lemohang, mona re tšoere seo Bibele e se bitsang "Lentsoe la Molimo," 'me, ebile, ke Lentsoe la Molimo.

¹⁴² Joale re fumana le Henoke a ile a kena nqalong e hlophisisitsoeng ke Molimo, ka Lentsoe la Hae, 'me o tsamaile lilemo tse makholo a mahlano, a ntse a Mo khahlisa. 'Me re

fumana lihlomo li phethahetse hakana ka ho eèna, eitseha sefutho se qala se sotha enjene, Se bile sa mo tsoibila se mo pheula lefatšeng. A kena sefofaneng sa pele, joalo, se eang Leholidöng. Tšebetso ea lihlomo tsa Molimo le sefutho, 'moho, "o ne a le sieo," hobane Molimo oa mo tlosa lefatšeng, a sa ka a shoa. Ke hantle haholo. O ne a tsamaea tseleng e hlophisisoeng ke Molimo.

¹⁴³ Re fumana Elia a itšoanelia. Motsofe Elia esale a porofeta ka thata khahlano le boJesebele bao ba ferefiloeng, le ka mekuto ea meriri, le lintho tse joalo, tseo ba li sebelisitseng letsatsing leo, motsofe eo o qetile bophelo ba hae a khalema sebe hara basali bao, mono ba e-na le mosali, Jesebele, a laola sekhhahla sa lebelo.

¹⁴⁴ Ekare Hollywood ea lōna mona, 'me ka ntle mono likhaiseli tsohle li tsoasitsoe ke eona. 'Me, Jesebele o sa ntse a phela, u ka qamaka feela ua iponela hoba o sa le teng. Le matla a hae a sa le mangata, hape.

¹⁴⁵ Joale re fumana, motsofe oa khale oa moporofeta, a kile a rohaka ntho eo le ntho eohle, a lula ka bophethehi thatong ea Molimo. Mohla bareri bohole ba seng ba fokotse, a tsepama hantle mono le Lona.

¹⁴⁶ Eaba tsatsi le leng o khathala hona, hoo, Molimo a bileng a romela koloi e tsoang Leholidöng, ka lipere tsa mollo, ea mo thonaka e mo nyolla. Keha a tletse matla phelisang hona! Nahanang feela, ka Lentsoe la Molimo le ahileng pelöng ea hae, o ne a tletse matla a phelisang ao ileng a mo phelisa!

¹⁴⁷ "Ekare ha Moea oa Molimo, Eèna...." Kea lumela re e fumana ho Baroma, 11, kapa oa pele, 11.... "Ekare," e re, "Ekare ha Moea..." Baroma 8:11, ke eona. "Ekare ha Moea o tsositseng Jesu bafung o ahile ka ho lōna, o tla phelisa mebele ea lōna e shoang. Ekare ha Moea o tsositseng Jesu bafung, ekare—ekare ha O ahile ka ho lōna, O tla phelisa mebele ea lōna e shoang."

¹⁴⁸ Ho o phelisa! Ebe lentsoe *phelisa* le bolelang? Lentsoe la Segerike le bolela, "ho busetsoa bophelong ka mora lefu." Alleluia. Ke eona khoro ea ho rapela. Ho rapela ka Moea le ka 'Nete, lihlomo le sefutho, 'moho. Le bona seo ke se bolelang?

¹⁴⁹ "Ekare ha Moea o tsositseng Jesu bafung o lula ka ho lōna, O tla phelisa, ho tsosa, mebele ea lōna e shoang, hobane E se e le Bophelo." 'Me ha O kena 'meleng oa hao, O bea 'mele ohle tlasa bolaoli ba Oona. Tlasa bolaoli ba eng? Lentsoe la Molimo. "Haeba o le ka ho lōna."

¹⁵⁰ Joale haeba ntho e ka ho uena, e re, "Be, ao e ne e le matsatsi a fetileng. 'Me Mareka 16 ha ea loka, le mohopolo oo oa Pentekosta oa kolobetso ea Moea o Halalelang." Ha se Moea oa Molimo ka ho uena. Ha ke tsotelle bokhabane ba koetlisiso ea hao, uena, ha se Moea oa Molimo. U re, "Be, 'mè e ne e le

setho sa *hona*, le ntate oa ka, lilemong tsena tsohle, le moena oa ka.” Sohle seo u batlang ho se bua ka ba leloko la heno, le joalo-joalo, mohlomong e ne e itoketse ho bona; empa ha e a u kenyelotsa, u a bona, kajeno u tlameha ho kena ka ho Kreste Jesu, bakeng sa mongoaha ona le bakeng sa pallo e baletsoeng mongoaha ona.

¹⁵¹ Lemohang, re fumana matla a maholo ana a phelisang a khahlotse Henoke, a mo phelisa a ea Lapeng a sa ka a shoa.

¹⁵² A khahlotse Elia, a mo phelisa hofihlela a ile Lapeng a sa ka a shoa.

¹⁵³ Re fumana mohlahlami oa hae Elisha, e leng papiso ea Kreste le Kereke, Elisha. Elia o entse mehlolo e mene, athe Elisha o entse mehlolo e robeli. A ruile karolo tse peli, joalokaha o tšetsoe holima Kereke. [Sekheo lebanteng—Mong.] Hamorao ba fihlela monna a shoele, eaba ba mo lahlela holima masapo a hae, a boela a phela. Matla a phelisang a ne a ahile le eèna ka hara lebitla. U ke ke ua . . .

¹⁵⁴ A hlola kamehla, ha u ruile matla a phelisang a Molimo, ho phelisoa le Eèna hona joale.

¹⁵⁵ Joale hopolang, ka ho Kreste, re nama ea nama ea Hae, lesapo la masapo a Hae. Mohla Molimo o no o teteka Kreste Kalvari, athe O hlabetsoe 'na le uena. Re nama ea nama ea Hae, le lesapo la lesapo la Hae, 'mele oa 'mele oa Hae, Lebitso la Lebitso la Hae, Monyaluoa oa Hae. Lea bona, re ka ho Eèna, re nama ea Hae le masapo a Hae.

¹⁵⁶ 'Me ka tšoanelo, Molimo o se o re tsositse. Matla a phelisang a re tsotsitseng bophelong ba sebe, a fetotseng botho ba röna, a se a re tsositse ka ho Kreste Jesu, etsoe, tsoho e tla re hlahisa ka kholo e tletseng.

¹⁵⁷ Joale le hopole, lebitso la röna le shoele, re patiloe, eaba re tsosoa ka la Hae. Lea bona, ha re sa le ba röna. Etsoe, Lebitso le leholo leo la “Jesu Kreste” leo Bibele e buileng ka lona mona ho Baefese 1:21, ha thoe, “Maloko a mabeli ao, la Leholimō le la lefatše, a bitsoa ka Lebitso leo.” Ke hona moo Molimo a beileng Lebitso la Hae teng. Ke lona Lebitso la leloko la Leholimō. Ke lona Lebitso la leloko la lefatše.

¹⁵⁸ 'Me röna re ka ho Jesu Kreste, ka kolobetso ea moea, e seng ka metsi; ka Moea, re kolobeletsoa 'Meleng o le mong, e leng Kreste, nqalo ea ho rapela. Hape, ka hare ka mono, re lutse setšeng sena, e tšoana le lefa la abstrakte.

¹⁵⁹ U re, “Ke rekile setša sa mobu.” Ha se sa hao pele u fumana abstrakte. Empa haeba u tšoere abstrakte, ke sesupo se reng hohle ho kileng ha ema khahlano le setša seo sa mobu se hlaotsoe.

¹⁶⁰ 'Me ha u fetohile Mokreste o amohela Kreste e le Moloki oa hao, ka hona, ha Molimo o romela abstrakte, ke sesupo se reng leha koana ntataao a entse eng le eng, 'mao a entse

eng, seo mang a se entseng; 'mao, mohlomong bontate e ne e le manoajoala, liotsoa; e ka bang eng, sebe sefe le sefe se hlaotsoe! U tšoere lefa la abstrakte. Ha ho letho le ka u lelekang ho lona. 'Me, sheba, ntho eohle e holima setša ke ea hao! Amen. 'Me ha u le ka ho Kreste Jesu, ka kolobetso ea Moea o Halalelang, neo e 'ngoe le e 'ngoe ea Molimo ke ea Kereke. Amen. Ke lefa la tumello e hlaioletsoeng ka abstrakte. Uena, ke la hao, ke lefa la hao. O phelisa mebele ea lōna e shoang. Oh, khili, hola feela re ka e nahana!

¹⁶¹ Ha re shebeng batšepehi bao ba Pentekosta. Bohle ba ne ba bokane phaposing e ka holimo, ba tšohile bohle. Ba ne ba tšoere, e—e thaetlele, ehlile, feela ba tšohile. "Eaba hang ho theoha molumo o tsoang Leholimōng," eaba abstrakte e theoleloa holima bona, "eka moea o fokang ka sefefo, oa tlala ntlu eohle eo ba lutseng ho eona." 'Me ba phelisoa ke Oona hona, hofihlela bokoala ba bona bohle... E mong oa bona a tšohile, a ba a itatola Bofarisi ba hae, kapa hore ha a eso be Mosadusi. Empa eareha Moea o Halalelang oo o theoha 'me o mo kolobeletsa ka ho Jesu Kreste, a fetoha nama ea nama ea Hae, le lesapo la lesapo la Hae, Lentsoe la Lentsoe la Hae. Keha e le 'mopo o mocha. Keha e le motho e mocha. Oa phelisa 'mele oa hae.

¹⁶² Shebang seo O se entseng, seo O u etsisang sona ha O kena ka hare. Ha O u ntšetse kantle u re, "Ke Methodise. Ke Baptise. Oh, kea tseba ha kea lokela ho tsuba. Ha kea lokela ho ba le sena. Ha kea lokela ho apara liaparo tse tjena. Ha kea lokela ho etsa sena. Ha kea lokela ho etsa sane." O u phelisa hofihlela u tlameha ho e etsa. O phelisa 'mele oa hao o shoang.

¹⁶³ Shebang, O phelisitse mebele ea bona, ba ba ba fofela haufi le Leholimō. Oa phelisa 'mele ea bona ho bua puo eo ba esong ho e utloe pele. Oa phelisa mebele ea bona, ba bua puo e ncha ea Leholimō. Ba phelisoa ba kena ka pela Sefahleho sa Molimo, ka kolobetso ea Moea o Halalelang. Matla a Molimo a phelisang ke oona a ba kolobelitseng ka hara eona. Ba ne ba kene nqalong ea ho rapela. Ba ne ba fihlile moo ba ka rapelang. Ba ke ke ba khathatsoa ke Sanhedrine kapa letho, hobane ba ne ba phelisitsoe. E ne e le batho ba bacha. Mono ke ka mora hoba ba kolobetsoe.

¹⁶⁴ Shebang Setefane e monyenyan. O ne a kene tseleng e hlophisitsoeng ke Molimo, a phelisitsoe ke matla a Molimo; a kene khorong, tseleng e hlophisitsoeng ke Molimo. 'Me esitile le mohla ba mo bolaeang, ka ho mo tlapunya ka majoe, o itse, "Ke bona Maholimō a phetliloe, Jesu a eme letsohong le letona la Molimo." Ke ona matla a phelisang ao. O ile a phelisoa a nyolleo a sefubeng sa Hae.

¹⁶⁵ Ho be le Filipi, e mong ea tletseng matla a phelisang. Re mo fumana tlase mane Samaria, a tšoere tsoseletso. Matla a maholo ana a phelisang, hoba a kene ka ho Kreste, re mo

fumana a mametsoe ke likete tsa batho. 'Me O itse, "Joale tloha mona, Filipi, Ke batla hore o tsöele lehoatateng lena, Gaza, mona. Ke na le monna ka ntle mono, ke batla hore u kopane le eëna." 'Me ha ho potso ea letho, ha ho potso ea letho, o ne a tletse matla a phelisang. O ne a kene ka ho Kreste, a kene nqalang eo Molimo o ka buang le eëna. Molimo o buile le eëna. Potso e ne e le sieo.

¹⁶⁶ Ho thoe, "Be, O buile le 'na ha thoe ke tla fola, empa, ha ke tsebe, ke ikutloa ke tetebetse hampe kajeno." Oh, khili! "Be, O itse ke amohetse Moea o Halalelang, empa ka linako tse ling ke hlile kea e belaela."

¹⁶⁷ Filipi o tsebile Puo ea Molimo ka bottlalo, hobane a ne a tlie ka tsela e hlophisitsoeng ke Molimo. Ha a ka a belaela Molimo, ka, "Be, Molimo, ke na le bongata bo boholo mona, ke tlameha ho lula. Ke tlameha ho kopana le mookameli oa selika pele ke etsa joalo. Ke tlameha ho rerisana le bishopo," ho se letho la eona. A tsotella Molimo, a toba hantle a kena lehoatateng!

¹⁶⁸ O fumane monna a le mong, letona, Moethopia, monna ea theohang oa 'mala, a ntse a bala Lengolo ho Esaia. 'Me a re, "Na u utloisia seo u se balang?"

Ho re, "Nka utlosisa joang ke sa rutoe ke e mong?"

¹⁶⁹ Eaba Filipi o hloella koloi a qala a buisana le eëna ka litaba tsa Morena.

¹⁷⁰ A re, "Metsi ke ana, nka thibeloa keng ho kolobetsoa?"

¹⁷¹ A re, "Ha u lumela ka pelō eohle ea hao, le ka moea oa hao le ka khopolo, matla." A theoha koloi ho mo kolobetsa.

¹⁷² 'Me Filipi a tletse matla a phelisang hona, hofihlela, A mo tlositse ka pela sefahleho sa hae. Nahanang! Ka 'mele oa hae o shoang, botho ba hae ba tlosoa, letona ha lea ka la hlola le 'mona. Ke e lumela e le 'nête. Molimo oa mo nka oa mo isa nqa e 'ngoe, moo A mo hlokang teng. O ile a 'nkuoa.

¹⁷³ Lea tseba, esita le lefu le ke ke la u amoha eona, ha u le ka ho Kreste, nqalang ea Molimo.

¹⁷⁴ Shebang mona, Moshe o ne a a ruile. E ne e le moporofeta eo Lentsoe la Morena le mo tlelang. Ha ho bongata...ke boKore ba ba kae ba hlahileng ba re, "Re hloka mokhatlo o moholo. Joale u leka ho ikhatumetsa ka mosebetsi oa monna a le mong feela ea halalelang." Molimo oa re, "Ikarole, Ke tla ba metsa feela." 'Me boDathane, le ba joalo, ha ba ka ba mo hlopha, a tsoelapele hantle.

¹⁷⁵ Mohla Moshe a ne a eshoa a patoa, ke Mangeloi, matla ao a hlotse le eëna. Hoba, lilemo tse makholo a robeli hamorao, ke enoa o eme lefatšeng la pallo, a buisana le Jesu. Matla a phelisang ao a ntse a lutse ho eëna. Ke eona nqalo ea Molimo ea ho rapela.

¹⁷⁶ “Ho thoeng? U tseba joang?” E ne e le moporofeta. Lentsoe le tlie ho moporofeta. ’Me e ne e le Lentsoe la Molimo le bonahalitsoeng bakeng sa mongoaha oa hae. Amen.

¹⁷⁷ U bona, u ke ke ua shoa, u se u phelisitsoe. Oh, hola feela kereke e ka e bona, ha se ka seo u tla ba sona, u se u le sona! Diabolosi ke eëna ea lekang ho u khothotsa eona.

¹⁷⁸ “Be,” ho thoe, “joale kea u bolella. Ke setho sa sena.” Ha ke tsotelle na u setho sa eng.

¹⁷⁹ U loketse ho tsoaloa, ho nchafatsoa, ho kolobeletsoa ka Moea o Halalelang, ka ho Jesu Kreste, ho phelisoa nqa Lentsoe le leng le le leng. Moea oa hao, ka ho uena, o tla omèla Lentsoe le leng le le leng la Bibele ka “amen.” Ka thoko le moo, haeba o—haeba holima e mong o sisinya hlooho ea hae, u tlose moea oo. Ha se Moea oa Molimo o hanelang Lentsoe la Molimo. O tla boloka Lentsoe la Molimo. Ha O le lumele feela, empa O a Le phelisa. O bonahatsa Lentsoe la Molimo. E, monghali.

¹⁸⁰ Lemohang bahalaleli bao ba Testamente ea Khale hape. Ka tšoanelo, tlasa sehlabelo sa khale, ba ne ba shebeletse ho fihla ha se secha sena, ba ena le letsoalo ho Molimo. Ho Mattheu 27, rea boleolloa, mohla Jesu a ne a tsosoa ’me a tsoa lebitleng. Etsoe, re sa tsoa keteka liveke tse ’maloa tse fetileng, Paseka. Bibele e boletse, “Bahalaleli ba bangata ba robetseng leroleng la lefatše, ba tsohile tshong ea Hae, ba kena motseng ba ipontša ba bangata.” E ne e le bomang? Bao e ne e le liponahatso tsa Lentsoe la Molimo la pallo. Eona feela nqalo eo Molimo a kopanelang teng, tlasa sehlabelo seo.

¹⁸¹ Joale ho Bathessalonika ba Pele 4:16, Bibele e buile, hape, ho thoe bahalaleli ba Testamente e Ncha ba tla hlaha le Eëna mohla A tlang hape, bao ke ba phelisitsoeng ka ho Eëna hona joale. Le kena joang ka ho Eëna? Ka kolobetso ea semoea, matla a Molimo, nqalo eo A kopanelang ho eona, ka ho Jesu. Joale Jesu ke tsela e hlahisitsoeng ke Molimo.

¹⁸² Joale lemohang, Jesu o ne a khotsoe ka seo A ne a le sona! O itsebile E ne e le Mora oa Molimo. O itsebile hoba O tsoetsoe ke moroetsana. O tsebile hoba Lengolo le leng le le leng le Iponahalitse ka Eëna. O e tsebile ka phetheho e tletseng, hofihlela A boleletse lihahi tseo tsa tempele, letsatsing leo, O itse, “Qhaqhang tempele ena, ’me Ke tla e tsosa ka matsatsi a mararo.” E nahaneng. “E qhaqheng, ’me Ke tla e tsosa ka matsatsi a mararo.” Hobaneng? E ne e le Lengolo le ngoliloeng ka Eëna.

¹⁸³ Davida o itse, “Nke ke ka tlohela Mohalaleli oa Ka liheleng, nke ke ka tlohela moea oa Hae liheleng, hape nke ke ka lesa Mohalaleli oa Ka hore a bone ho bola.”

¹⁸⁴ Joale, Jesu o tsebile hore eo e ne e le Eëna. Ho se potso kelellong ea Hae. ’Me O tsebile taba eo, lihora tse mashome a supileng a metso e ’meli, ’mele o a bola, O ne a tla khutlela

bophelong kae-kae ka hara lihora tse mashome a supileng a metso e 'meli, eaba O re, "Qhaqhang tempele ena, Ke tla e tsosa ka matsatsi a mararo." Hobaneng? Lengolo le ne le ngotsoe ka Eèna. Le ne le ngotsoe ka Eèna, hobane E ne e le ponahatso ea Lentsoe la Molimo le ngoletsoeng letsatsi leo.

¹⁸⁵ Be, e tlamehile ho hlaha, allelua, e tlamehile ho hlaha, moena, nqa e 'ngoe kae-kae, Lentsoe la Molimo le bonahetseng la Molimo la kajeno. 'Me ho a tšoana, hobane O buile ka matsatsi ana 'me O boletse se tlang ho hlaha matsatsing ana. O se a re boleletse. Re tseba se tlang ho etsahala. 'Me re e bona e bonahatsoa ka ho lõna, ka baka leo le ka hara Kereke ea Molimo. Ka ntle ho mono, le ka ipitsa, "Methodise, Baptise," kapa eng feela, e ke ke ea sebetsa. Nqalo ea kopanelo e ne e le 'ngoe feela, ke ka ho Kreste Jesu. Oh, kajeno, oh, ke ratileng hakae hore mang le mang a ka e bona kajeno, ho bona mokhoa oa ho kena, ho kolobetsoa. Monyaluoa ke karolo ea Monna oa hae. Kereke ke karolo ea Lentsoe, ponahatso.

¹⁸⁶ Joale ebe u ka hara kereke efe? Ana u ka hara mokhatlo oa bolumeli? Haeba u le mono, joale ke u bolella ke tiile, hore u Laodisea. Empa ha u le ka ho Kreste, u 'mopua e mocha, 'me u ka hara Kereke ea Molimo o phelang, eona ponahatso ea lintho tseo A li entseng matsatsing a Hae e tla khutla hape letsatsing lena, ho etsa eona ntho eo A itseng E tla e etsa. Ka hona, ke eona Kereke ea makhonthe eo. U kena ho Eona ka kolobetso ea moea, ha se ka boingoliso, ha se ka letho le sele, empa ka ho kolobeletsoa 'Meleng oa Hae ka Moea o Halalelang. Ke hantle. Ke eona feela tsela ea Molimo e hlahisitsoeng eo A re sietseng eona ho e phethisa, ke ho kolobeletsoa 'Meleng oa Hae, ka Moea oa Hae.

¹⁸⁷ Jesu o boletse, ho Mohalaleli Johanne 14:12, "Ea lumelang, a se a le ka ho 'Na!" Ha ho makatse ha batho ba re matsatsi a mehlolo a fetile, ha ho makatse ha ba bua lintho tsena. "Ea lumelang ka ho 'Na, ha se ho lumela ho Eèna, empa ho lumela ka ho Eèna, mesebetsi eo Ke e etsang le eèna o tla e etsa." Hobaneng? Ke Bophelo ba Hae. Ke sefutho sa Hae se ka hara lihlomo tsa Hae, ka ho uena, se e hotetsang, ho e thakhola le ho phethisa mesebetsi eo se tšepisitseng ho e etsa. Kapa, bophelo ba ka bo leng ka ho Eèna, bo mphelisitse ka Moea oa Hae, ho etsa hore Lentsoe la Hae, e leng lihlomo, li sebetse ka sefutho sa Hae. Baheberu 13:8, "Jesu Kreste eèna maobane, kajeno, le ka mehla."

¹⁸⁸ Joale ho Mareka khaolo ea 17, le temana ea 30, ea Mohalaleli Mareka. Mamelang ka hloko. Jesu o tšepisitse lintho tsena matsatsing a qetelo, hore Ke "eèna maobane le ka mehla." O tšepisitse, ho Malakia 4, hore O tla "busetsa lipelō tsa batho, matsatsing a qetelo, morao Tumelong ea bontate." O tšepisitse hoo. O tšepisitse, libakeng tse ngata hakana tsa Bibele, lintho tseo A tlang ho li etsa. "Ho se ho se ho kae 'me lefatše ha le sa

tla Mpona, empa lōna le tla Mpona; Ke tla ba le lōna, le ka ho lōna ka mehla, ho isa bofelong ba lefatše.” ’Me le eelhoe ho Mohalaleli Luka hape, 17:30, “Joaloka matsatsing a Sodoma!”

¹⁸⁹ Le tseba se hlaileng Sodoma? Shebang California; ha se California feela, ke United States; ha se United States feela, empa ke lefatše.

¹⁹⁰ Shebang bohlanya bona ba bana! Khele, re ne re tšoere. . . Ke le boleletse tsatsi le leng, mohla ho ne ho hlopholloa likolo mona Arizona moo ke lulang, ’me lipheresente tse mashome a robeli tsa bana ba kenang sekolo li lemetse kelello. Bana ba bona ba e tla eng? Re ke ke ra fumana moloko o mong. Re bofelong. Jesu o itse lintho tsena li tla hlaha.

¹⁹¹ Shebang lithelobishene tsohle le lintho tsena tse hlahang tsa mafosisa. Nako ea tla, kea lekanya, moo batho ba tla hlanya kannete, ka botlalo, lefatše le tla fihla moo. Bibele e bua ka lipontšo tse nyarosang tse kang tse hlahang limoving kajeno, tsa mahe a likholumolumo tsa pele ho histori tse phetseng lefatšeng liketeng tsa lilemo le limilione tse fetileng, tse ileng tsa qhotsoa ’me tsa tla ho ba bang. Ke nthoana feela, papisong le se tlang ho etsahala. Mohla lihele li buloang ’me diabolosi a tsoa ka mehlolo ea hae eohle, ea basali. . . kapa ea litsie tse meriri e kang ea basali, le ka meno a kang a litau. Khele, lefatše le tla be le hlanya kannete, le ka botlalo. E bohole ba khato e le ’ngoe hona joale.

¹⁹² Oh, khanya ho Molimo, ka ho Khutla ha Morena Jesu, ka Moea o Halalelang, ka ho tseba-joalo, ka Boteng bo phelang ba Molimo o phelang!

¹⁹³ Jesu o boletse, ho Mohalaleli Mareka mono, O itse, “Ka letsatsi leo Mora motho o tla senoloa.” Joale, hopolang, e sang Mora Molimo. O tlie ka mabitso a bara ba bararō: Mora motho, Mora Molimo, Mora Davida. Mehleng ea Hae lefatšeng, O tlie e le Mora motho, E ne e le moporofeta. Mora motho ke moporofeta. Jehovah ka Sebele o bitsitse baporofeta, Jeremia le bao, “Mora motho, u bonang?” Jesu o tlie, hobane ka Lengolo O ne a tlamehile ho tla, e le Mora motho. Moshe o itse, “Morena Molimo oa lōna o tla le hlahisetsa Moporofeta, ea joaleka ’na.” ’Me O ne a tlamehe ho ba moporofeta, Mora motho.

¹⁹⁴ Empa ka mora lefu la Hae, kepelo, le tsoho, joale esale E le Mora Molimo, ea mohlolo, Moea o Halalelang.

¹⁹⁵ Empa O tšepisitse, pejana ho nako ea bofelo, malulo a lefatše a tla ema sa Sodoma, mohla Monna a fihlang ka sebopinho sa motho; ba le bararō, e le Mangeloi a mabeli le Molimo ka sebele sa Hae. E ne e le Molimo. Bibele e itsalo. Joale O theohile eaba O Iponahatsa mono, a neile e—e tente ea Sara mokokotlo oa Hae, a borella Abrahama seo Sara a se hopotseng ka tenteng. Ho joalo? [Phutheho e re,

“Amen.”—Mong.] Joale, Jesu ka sebele sa Hae o itse, “Ka letsatsi leo Mora motho a ntseng a senoloa,” ka mantsoe a mang, “Mora motho, tšebetso ea Jesu Kreste ka sebele sa Hae.”

¹⁹⁶ Kereke e tla feta ka tokafatso, ka Luthere; ka khalaletso, ka Wesley; ka kolobetso ea Moea o Halalelang, ka Mapentekosta; le ho kena hantle phethethong ea Mora motho, ke mohla Monna le Mosali e tla ba batho ba le bang. Molimo o tla bonahatsoa ka ho Monyaluoa oa Hae, Kereke ea Hae, hofihlela ba tšoana. Ba bang. Joale le bona moo re leng teng.

¹⁹⁷ Le se ke la hamarela meetlo eo le litumeloana. E ne e itoketse letsatsing la eona, empa joale palesa e thuntse e chakalitse. Ke nako ea peō. Ke hantle.

¹⁹⁸ Jesu o tšepisitse lintho tsena. Joale ha re bona Molimo o phelisa tšepiso ea Oona ka pela rōna, re e bona ka hara rōna, ‘me Moea oa Hae o phela ka ho rōna; ke eona feela tsela ea ho rapela, eona feela nqalo ea ho rapela, eona feela tsela ea ‘nete eo u ka rapelang ka eona, “Hobane ha ho sa le tsuo joale ho ba leng ka ho Kreste Jesu.” Molimo o tšepisitse. Jesu o itse, “Lintho tseo Ke li etsang, le tla li etsa le lōna,” le seo A tlang ho se etsa letsatsing la ho qetela. Kamoo e haotseng ka mongoaha ona, ha ho leseli kapa ha se motšehare, e tla ba—e tla ba nako e batlang e fifetse, empa ha thoe, “Nakong mantsiboea, Leseli le tla chaba.”

¹⁹⁹ Letsatsi le chaba bochabela le likela bophirimela. Lona letsatsi le chabang bochabela le likela bophirimela, tsoelopele e tsamaile le lona. E tlotse maliboho a mararō a metsi, libopeho tse tharō tsa kolobetso. Oh, e, ho tloha Asia, ho kena Yropa; ho tloha Yropa, ho kena Engelane; le ho tloha Engelane, ho kena United States.

²⁰⁰ ’Me joale re boetse re khutlile, ’me ke rōna bana re lutse thapama ena, Lebopong la Bophirimela, moo lerako la sebe la matla ohle a lefifi a bokellaneng ka mona. Limuvi tsena le likhaso tsa thelebishene, le banna ba akang basali bana ka mono, ke lintho tse tlatsang likello tsa bananyana ka chefō.

²⁰¹ Ana le tsebile monna ofe ea akang mosali o tlamehile ho mo nyala? Ka tšoanelo ke ketso ea tona-tšali. Ehlide, ke eona. E, monghali. Ke eng? Maro a botona a molomong oa monna, le maro a botše hali. Ha maro a botona le a botše hali a tsoakana, ke ketso tona-tšali.

²⁰² Shebang Hollywood, shebang bananyana ba robetseng kantle mona lipakeng, le bashanyana ba thetthehang holima banana bana, le lintho tse kang tseo, ebile ba bina lik’hoaereng. Le boElvis Presley bana, le ba joalo, bao re ba fumanang kajeno, ke sekhobo lebitsong la Amerika, nqa morero oo bontate bathei ba rōna ba se fophetseng mali ‘me ba se shoetse.

²⁰³ Empa hora e tlie eo ka eona 'muso ofe le ofe o tlamehang ho sutha, hobane 'Muso oa Molimo o theiloe ka pelōng ea motho, ka kolobetso ea Moea o Halalelang le ka Boteng ba Jesu Kreste. 'Me Kreste o tla tla ho Monyaluoa oa Hae ho thea 'Muso mona holima lefatše, o ke keng oa kokobetsoa le ka mohla. U kena joang ka hara 'Muso ona? U tsoalloa ka hara ona. Ebe u e tseba joang? U mpa feela... U ka ba moahi oa 'muso joang u sa lumellane le khosi? Lea bona, ekabe'ba u... 'Me Khosi ke Lentsoe. "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha hara rōna. Eèna maobane, kajeno, le ka mehla."

²⁰⁴ Ba Mo tsebile ka'ng hore E ne e le Mora motho? O khonne ho sheba holima letšoelé leo 'me a tseba mohopolo oa bona. Rea e tseba ke 'nete. Esale Eèna kajeno. Lea e lumela na? [Phutheho e re, "Amen."—Mong.]

²⁰⁵ Na Billy o abile litlankana tsa thapelo? Ke lebetse ho mo botsa. Na ebe o abile litlankana tsa thapelo? [Phutheho e re, "E."—Mong.] Na ebe o abile litlankana tsa thapelo? Ho lokile.

²⁰⁶ Ke tla le bolella. Ha u na le tumelo e lekaneng, ke na le tumelo ea ho lumela hore Molimo, Ea entseng tšepiso, A ka ipaka e le Molimo hona mona, ka ntle le hore motho ofe a tle kalaneng ena. Ke ikutloa ke batla ho nka phephetso eo, ka baka la tšepiso ea Lentsoe la Molimo o phelang. Shebang mona, e reng ke le bontše ntho e 'ngoe. Matla ana a phelisang, re tla A hlakisa. A nke ke le bontše. Ba ba kae ba lumelang hore le ruile matla a phelisang? [Phutheho e re, "Amen."—Mong.] Be, lebaka la matsoho a lōna holima bakuli ke lefe?

²⁰⁷ Mohla barutua ba ne ba amohela matla a phelisang ao holima bona, ka Letsatsi la Pentekosta, ba ile ba etsa'ng? Ba tsoile ba bea ba kulang matsoho, eaba ba fola. Jesu o boletse, ho Mareka 16, "E tla tsoella hofihlela bofelong ba lefatše." Nako e kae, ho isa molokong oa baapostola? "E-eang ka lefatše lohle, le bolelle bapopuoa bohle Evangelii. Mehlo ena e tla tsamaea le ba lumelang; ha ba bea matsoho a bona holima ba kulang, ba tla fola." Matla a phelisang ao a tšoana le a neng a lutse holima masapo a Elia, le masapo a Elisha. 'Me ona matla ao a holima bahalaleli ba ba tsotsitseng. Efèla ha matla a phelisang ao a lutse ka ho rōna, re bea bakuli matsoho, ba tla fola.

²⁰⁸ Ke eleletsoe mona, ke se ke batla ke tlohetse temoho ea mee, ebile, ke bea bakuli matsoho feela. Ke se ke hlokometse, khele, lintho tseo ke eso... Ke ne ke sa finyelle karolo ea 'ngoe-tharōng ea batho, le hona. Ka mokhoa ona, ke finyella ba bangata ho feta pele. 'Me ke khola litholoana tse fetisang, ka ho ipea matsohong a Molimo feela, le ho re feela, "Morena Molimo, U e tšepisitse. Ke tšepiso ea Hao; ha se ea ka, ke ea Hao, 'me U tšepisitse ho E phethisa. Ebile ke U bone u

e phethisa. 'Me ke tla lumela hore U tla e etsa, hobane ke kolobelelitsoe 'Meleng oa Hao, 'me Moea oa Hao o teng mona ho e netèfatsa e le 'Nete." Amen. Ke eona nqalo ea ho rapela. Ebe o fihla moo, "lintho tsohle li ka etsoang." Ebe u fihla moo ntho ea hao—merero ea hao le lipheo, litšibollo tsa hao, li leng thatong ea Molimo hantle. 'Me ha u bea matsoho a hao mono u e lumela, e tla etsahala. Le a e lumela na? [Phutheho e re, "Amen."—Mong.]

²⁰⁹ Kea lumela, le pele ho bitsoa setlankana se le seng sa thapelo, kapa letho le sele, Molimo o Matlaohle o ka mpolella sona ka ntle mono, seo le tlamehang ho se etsa, le seo le neng le sa tlameha ho se etsa. Ke hona ho amohela phephetso, hantle, kea tseba hore e lokile, empa ke sona seo Molimo a batlang hoba re se etse. Lea e lumela na? [Phutheho e re, "Amen."—Mong.] Ba ba kae ba tla e lumela haeba Molimo o ka e etsa? ["Amen!"]

²¹⁰ Ha ke tsebe motho mang ea lutseng ka pela ka, eo nka mo nahantan, kapa ho bona mang ke mo tsebang kannete. Ba tsebang ba ba kae, ka ntle mono, hore ha re tsebane ka bottlalo, phahamisang matsoho a lōna. Lōna ba ntsebang ke sa tsebe letho ka lōna, phahamisang matsoho a lōna. Hohle ka hara letšoele, ea ntsebang ke sa tsebe letho ka uena. Kea kholoa ke hohle, haholo holimo mono. Joale mohlomong batho ba bang ba sa tsoa... Ha ke ba tsebe. Ha ba ka ba phahamisa matsoho a bona, empa ha ke—ke—ke ba tsebe, leha ho le joalo. Kea kholoa ke bona Richard Blair ea lutseng mono. Kea kholoa ke 'nête. Ke khona... Ho lefifi tlase mono. Ka nqa *ena* ho na le leseli. Ha ke bone.

²¹¹ Empa shebang mona, ke ntse ke leka ho le bolella, hore, ha matla a phelisang ao a kena ka ho uena, ke Jesu Kreste. Enereha Jesu a bea bakuli matsoho a Hae, ba ne ba fola.

²¹² Mohla matla a phelisang a ne a ahile ka ho Jesu ho Mo phelisa, joaloka Monna, O khonne ho sheba koo a bolela mehopolo ea batho, ho ba bolella seo ba neng ba se nahanne, seo ba se entseng. A ba furaletse ka mokokotlo oa Hae, 'me a ba boelle ntho e tšoanang, "Hobaneng le ntse le botsana lipelōng tsa lōna?" Mosali o kile a ama seaparo sa Hae, A re, "Ke mang ea Nkamileng?" A qamaka 'me a mo fumana, 'me a re, "Ke utloile matla a tsoa ho 'Na. Tumelo ea hao e u pholositse." Ke Jesu Kreste eo. Seo se paka moo kereke e emeng teng, le seo matla a mannete a phelisang a Molimo a se etsetsang motho. Lea e lumela na? [Phutheho e re, "Amen."—Mong.]

Ha re inamiseng lihlooho tsa rōna nakoana.

²¹³ Molimo o Ratehang, thapama ena re loanne le Satane, ka limaekrofono tsena, kea tseba mohlomong batho ha ba fumana halofo ea oona, ka baka la ho tlolaka ha molumo hohle...ka

hara moaho ka mokhoa oo. Empa kea rapela, Molimo, hore Moea o Halalelang o tle o jare se neng se lekantsoe, Morena, ho lumella batho ho bona hore ha re sehlopha sa batho ba shoeleng se hulanang se tsepang-joalo. Molimo, rea phela hona joale, re phelisitsoe ke matla a tsoho ea Kreste. Jesu Kreste o phela ka ho rōna. Re lumela se, Morena.

²¹⁴ Ha re ipolele khanya ea rōna. Joaloka holima Thaba Phetholelo, moo e mong le e mong oa rōna a bapisitsoeng teng; Moshe o ne a le teng, ea kileng a shoa a ba a tsoha; ho be le Elia, bahalaleli ba phelisitsoeng ba tla 'nkuoa letsatsing la ho qetela. Oh, mohlang oo ba bone, ha ba talima, ba bone Jesu feelsa. Rea tseba, Morena, ha re batle ha batho ba bona rōna. Ha se morero oa rōna mona. Ho se be joalo!

²¹⁵ Empa, Morena, lipelō tsa rōna li thabisoa ke ho bona ha Jesu a tlotlisitsoe hara rōna; ha re Mo bona a tlotlisitsoe, ha re bona Lentsoe la Hae, etsoe E le Lentsoe; ha re bona re khona ho e bala mona ka hara Bibebe, moo A tsepisitseng A tla e etsa, le ho Mo bona a e etsa ka ho rōna, oho Molimo, re ikutloa re nyenyefetse ha kae, ho tseba Boteng ba Hae bo phelang...

²¹⁶ Ha rea ka ra ingolisa le letho kapa ra tlabola selekane le eng. Re mpa re lumela, Morena, Bophelong Bosafeleng. 'Me U re tiisitse ka hare ka mono ka kolobetso ea Moea o Halalelang, le ho phelisa mebele ea rōna, le ho phelisa meeaa ea rōna, le ho re phelisa ho bona lipono, le ho porofeta, le ho bua ka lipuo, ho bona lipontšo tse khōlō le meeka e etsahalang. Khele, ke Molimo o phelang. Re ka hara 'Mele oo. Athe, ka nqa ea lefatše, ke bohlanya ho ba timelang; empa ho rōna ba lumelang, ke matla a Molimo, a isang Bophelong Bosafeleng. Re U leboha ka sena, Ntate.

²¹⁷ Joale ho ke ho tsejoe letsatsing lena, Morena, hore U Molimo, hore ha U eso fetole mohopolo oa Hao ka Lentsoe le le leng leo O kileng oa le bua. 'Me esale Uena maobane, kajeno, le ka mehla, le eona feelsa-eona feelsa Tsela e hlophisitsoeng ke Molimo. Eèna feelsa Monna eo Molimo o kileng a bea Lebitso la Hae ho eèna, e ne e le Mora oa Hae ka Sebele Ea neng a nkile Lebitso la Hae, Jesu; Molimo, Jehova, Mopholosi, Emmanuel, Monyako oa linku; Ea neng A le teng, Ea leng Teng, le Ea Tlang; Motso le Lehlomela, Motso le Lehlomela la Davida 'moho; Naleli ea Meso, Mohalalitoe oa Phula. Oho Molimo, ho babatseha hakakang! Ha ho makatse Esaia a itse, "Moeletsi, Khosana ea Khotso, Oona Molimo o matla, Rabosafeleng." Oh, ha re na Ntate e mong ka ntlo ho Uena, Morena. Ke Uena Ntata rōna. U 'Mè oa rōna. U sohle seo re leng sona, sohle seo re ka bang sona le ka mohla. Ha re batle ho bona ho tlotlisoa letho haese Jesu!

²¹⁸ Ntate, mohlomong ke sebelitse bohlasoa, thapama ena, empa ako nke maikutlo a pelō ea ka, 'me u nkutloe, Molimo o ratehang. 'Me ho ke ho thoe, letsatsing lena, Jesu Kreste o ne a

tlotlisoe hantle mona ka hara tempele ena. Aba sena, Ntate, hoba re e kopa ka Lebitso la Hae, ke sa shebeletse le letsoe lena ka boikokobetso, ho U bona u tsamaea ka Moea oa Hao. Amen.

²¹⁹ Joale ke batla ha le ka nketsetsa ntho e le 'ngoe ena. Ke batla ho botsa potso e le 'ngoe e mahlonoko. Ke batla le nkarabele eona haeba e ne e le khetlo la ho qetela u kileng ua araba motho bophelong ba hao. Lea lumela ke 'Nete na? [Phutheho e re, "Amen."—Mong.] Lea lumela ha ho kereke kapa mokhatlo oa bolumeli o ka hlomphuoang ka pela Sefahleho sa Molimo? Le lumela seo? ["Amen."] Ha ho le e 'ngoe. Ba tsoetsoeng ka ho Jesu Kreste feela, ke bona ba nkang Lebitso la Hae! Ke hantle.

²²⁰ U nka Lebitso la Hae ha u tsoalloa ka hare ka mono, e seng ka kolobetso ea metsi. Leha koana u ka kolobetsoa ka Lebitso la Hae, empa ha se hona ho nka Lebitso la Hae. U nka Lebitso la Hae ka tsoalo, e seng ka metsi. Lea bona, u kolobeletsoa Lebitsong la Jesu Kreste, e, monghali, ho kena kopanong; empa u kolobeletsoa ke Moea o Halalelang, ho kena ka ho Jesu Kreste. Ka baka leo u ka kolobetsoa halekholo, ka moo u batlang, ka mokhoa ofe, ha e etse phapang. Empa hang ha u kolobelitsoe ka Moea o Halalelang, ka hara 'Mele oa Kreste, u fetoha mora kapa morali oa Molimo, 'me, "Lentsoe le leng le le leng le lokile!" 'Me, hape, O entse hoo ka morero.

²²¹ Joaleka ke buile tsatsi le leng, ka re mohla Molimo o no o suthisa 'me o chabisa letsatsi holima lefatše, O ne a tseba lifate tsa lipalema le ntho efe e robetseng tlasa lefatše. A... E ne e le karolo ea lefatše mohlang oo, le uena u ne u le joalo.

²²² 'Me mohla O ne o tsosa Mora oa Molimo, hoseng ha Paseka, 'me o romela Moea o Halalelang, e ne e le ho phelisa, hape, peō eo ea Bophelo Bosafeleng, eo A e tsebileng pele ho motheo oa lefatše, hore e tla ba teng mona. O tsebile maekrofono ona o tla sebetsa tjena bosiung bona. O tsebile maitšoaro a hao. Ke mohlokapeheletso. U ka sitoa ho e lekanya kelellong ea hao, u tlameha ho e amohela. Empa, e reng ke bue ntho e le 'ngoe ena, oona Molimo oo o eme mona, thapama ena, ka hara batho ba Hae.

²²³ Leha u ka ba Methodise, Baptise, Pentekosta, u ka bang eng, u se ke ua tšepa mokhatlo o itseng. Hobane, tseo e ke ke ea eba mokhatlo... E bopiloe ka lithuto tse ngata haholo. E bopiloe ka sesh-... U tlameha ho ba motho a le mong, ho Molimo. U tlameha ho ba motho a le mong. Molimo o sebetsana le uena, e seng ka hara kereke ea hao. U tlameha ho phela bophelo bo lokileng ka hara kereke ea hao kapa phutheho eo u rapelang ho eona, u tlameha ho phela bophelo ba mofuta oo. Empa u a bona, ba hula litumeloana, le lintho tse joalo, ebole u ke ke ua kena menyako ea bona u sa e lumele. Ka baka leo ebe Molimo a ka kena joang ka mono, athe Lentsoe la Hae le bonahatsoa ka linako tsohle?

²²⁴ Luther o tsebile joang ka likolobetso tsena le—le ka khutlisetso ea Moea, mohla a leng morao letsatsing leo? Semela se ne se eso hole ka mokhoa oo. Le Wesley ha a e tseba. Le Pentekosta ha e tsebe se etsahalang kajeno. Ho a tšoana, e holela hole le lōna. Ke hantle. E entse joalo mongoaheng o mong le o mong, 'me e tla lula e etsa joalo.

²²⁵ 'Me nka kholisa, ka Bibele, hore ona ke mongoaha oa koro. Hopolang, ka mora tsoselsetso e khōlō ena... Esale ho tloha Pentekosta ha ho eso tsohe mokhatlo. O ke ke oa hlaha. E tloha ho lekhapetla ho ea ho koro, 'me ha ho letho haese thollo. Ke lona lebaka. Lilemo tse leshome le metso e mehlano... Ka tloaelo, lilemo tse tharo, ba bopa mokhatlo ka tsoselsetso efe. U ka botsa rahistori ofe. Empa ka mora Ena ha ho mokhatlo. Ba lekile ho tsosa Pula-letsatsi la Morao, empa le bona se e hlahetseng. E ke ke ea khona. Hona joale ke koro. E, monghali. Bajari ha ba sa le eo. Ke thollo ea mannete. Kreste o hara batho ba Hae. Lea e lumela? [Phutheho e re, "Amen."—Mong.]

²²⁶ Ha re qaleng ho tloha *mona*, mokatong o tlase. Nke ke ka thonya mono, hobane ke le bona le le bangata haholo. Ba ntumelang ke le mohlanka oa Hae ho lōna ba ba kae? [Phutheho e re, "Amen."—Mong.] E bang le tumelo ho Molimo! Ba lumelang hoo ba ba kae ka *mona*, e reng, "Ke e lumela ka pelō ea ka eohle"? ["Amen."] Joale Morena Molimo a re abele sena, hore le bone matla a phelisang. Ntho e itseng, bopaki ba bohloko, bo e pakang.

²²⁷ E, motho a ka re, "Oh, *sena* ke Sane, *sena*, *sane*." Empa e re e nke khato.

²²⁸ Joale, ha ho mokhoa ho 'na ho tseba letho ka lōna. Le tseba seo. Ha ke tsebe motho a le mong, nka sheba, 'me ea lutseng mane ke Moruti Blair, ea tsoang koana bochabela, kea kholoa ke Arkansas kapa kae motšeо mono. Ke eēna feela ka hara letsoele, eo ke mo bonang ke bile ke mo tseba. Le Molimo o e tseba e le 'nete. Ka baka leo e tlamehile ho ba ntho e...

²²⁹ Ke mpile ka sheba ka mona, leleiti lena le lutseng ntlheng ea mono, u na le bothata ba moea boo a bo rapellang. U lumela Molimo a tla u otlollela bothata boo ba moea, le ho bo lokisa? Ho lokile, u ka e fumana.

²³⁰ Bea leleiti le pela hao letsoho, hoba o jeoa ke mala ao a rapellang, hape. Yaa. Ke hantle, khaitseli? Phahamisa letsoho la hao haeba e le 'nete. Ha ke u tsebe, ha ke eso u bone bophelong ba ka. Banana ba babeli ba 'mala.

²³¹ Joale, hoo keng? Na ha e tšoane le seo A boletseng A tla se etsa? [Phutheho e re, "Amen."—Mong.] Ka nèpo.

²³² Leleiti ke lena le lutse, ho sheba hantle tlase mona; ea lutseng, a nchebile. O na le bothata ba pelō. U a lumela Molimo o tla folisa bothata ba pelō? U ne u lutse mono u

ntse u rapela, “Eka nka fihla mono.” Na ho joalo? Tsokotsa letsoho la hao *tjena*, e lokile. Seo thapelo ea hao e se buileng ke se tsebile joang?

Lea bona, lumela feela. Ke phetho seo le tlamehang ho se etsa, ke ho lumela.

²³³ Leleiti le lutseng mona le tla shoa haeba a sa folisoe hang. O na le mofetše. U a lumela Molimo o tla folisa mofetše? E. U a e lumela na? Uena, erekaha u liehile ho phahamisa letsoho la hao, u lumela Molimo a ka mpolella na u mang? Ms. Gunn. Joale, haeba e le ’neta, tsokotsa letsoho la hao *tjena*, u a bona. Ke hantle. E-ea hae, Jesu Kreste o a u phekola.

“Ha u ka lumela, tsohle li ka etsoa.”

²³⁴ Ntho eo e teile leleiti lena le lutseng mona le roetse katiba e lerootho, le nchebileng. Le eèna o na le mofetše. U a lumela Molimo o tla u folisa? U e lumela ka pelō eohle ea hao? Ke bua le Mof. Miller. U lumela seo? Ha ke tsebe mosali eo, ha ke eso ’mone bophelong ba ka, le Molimo o Leholimōng o tseba seo e le ’neta. Amen.

“Ha u ka lumela!”

²³⁵ Mosali oa ’mala ke enoa o lutse mona ntlheng, o ne a inamisitse hlooho ea hae. A ntse a bala, o ntse a bala ka moratuo, ke motho eo a ntseng a mo rapella. O tlie, hantle-ntle, ho rapela...hore a rapelhoe. Che ha a eo mona, ke monna oa hae. Ke hantle. Eèna...Ha a eo mona. O lapeng. O sa tsoa sehoa, ha ke re? Ke hantle. O ne a khathatsoa ke lisaenuse, le lintho tse joalo. Ho joalo, ha se eona? O tla itokela. Tumelo ea hao ebile matla lebakeng leo. U a lumela seo se tla loka? Amen.

²³⁶ Ha le bone hobane Jesu Kreste esale eèna maobane, kajeno, le ka mehla? Le botse batho bao. E tsamaile ea kena koana hara letshoile. Lea lumela O teng mona? Na le utloa matla a phelisang ka ho lôna? Be, ke oona Molimo o le phekolang, metsoalle. Lea e lumela na? [Phutheho e re, “Amen.”—Mong.]

²³⁷ Joale na le ka nketsatsa ntho e le ’ngoe? Hobane, ba kulang mona ba ba kae, ha re le boneng le phahamisa matsoho a lôna. Joale e nanarela hora ea bohlano. Beanang matsoho holimo, ’me feela a re... Le se ke la bua letho joale, le beane matsoho e mong—e mong holima e mong. Ke batla le etse ntho e ’ngoe.

²³⁸ Khele, monna ea lutseng morao mona, o hlahile kotolana eo mokokotlong oa hae. U lumela Molimo a tlosa kotolana eo mokokotlong oa hao, monghali? U lumela Molimo a tla u phekola? Mothaka e mocha, ea nchebileng, ea neng a hopotsoe a tla tloloa holimo. Phahamisa letsoho la hao, monghali. Ke hantle. Lumela ka pelō ea hao eohle, Molimo o tla u e tlosa ho uena.

²³⁹ Alleluia! Ke phephetsa letshoile lena lohle, ka Lebitso la Jesu Kreste! Hola le ka khona, hola...Letsoalo la hao, u se ke ua le lumella ho chesoa ke ho se lumele, u se le lumelle ho

ferekana. Na ha le bone Mora motho, Mora motho ka sebopinho sa Molaetsa oa boporofeta, o boela a khutlela ka hara Kereke ea Hae hape, ka boporofeta, ho senola Jesu Kreste maobane, kajeno, le ka mehla? Ha eso etsoe mongoaheng, hofihlela nakong ena. Lea bona? Bopaki ba eona ke boo.

²⁴⁰ Kereke keng? U kena joang ka hara Eona? Ha u le ka hare ka mono, sohle seo Jesu Kreste a neng a le sona, u sona, esita le ho ba mora le morali oa Molimo. U fetohile uena hore uena u tle u fetohile Eèna.

²⁴¹ Taba ke ena, u tšaba ho e sebelisa, kapa ho seng joalo ha u sebetse 'moho le Lentsoe la Hae. Joale, hoo ho ke ke ha u thusa ka letho, 'me ha ke ha ke—ke tsotelle seo u se etsang. Ha u sa kene ka botlalo ka hara Lentsoe leo, e ke ke ea sebetsa. Ke mang ea ka nqosang ka seo A se buileng le ka seo a se tsepisitseng letsatsing lena, se sa kang sa hlaha? Le se ke la nkakhella mokhatlo oa bolumeli ba lōna, hobane e ke ke ea sebetsa.

²⁴² Alleluia! Kea utloa, kea tseba O teng mona. Ke tiile O teng mona. Kea tseba hore hona joale matla a phelisang a lekane ka hara Kereke ho folisa mang le mang ea lutseng mona. Le khona ho e lumela? Be, ka hona, na le tla etsa joalo?

²⁴³ Na le lumela ho rapella bakuli? Na le lumela Jesu a itse, "Ba bea bakuli matsoho, 'me ba tla fola"? Ho lokile, beanang matsoho holimo joale. U se ke ua ithapella. Rapella motho ea latelang. Ba ntse ba u rapella. Joale ha sesane le ka hlompho.

²⁴⁴ Morena, ke U leboha hakakang, ho ema mona kalaneng le—le ho rera Lentsoe le khahlano le mohopoloo oa batho kajeno, hoo ba ka Le bitsang "bohlanya," hoo ba ka Le bitsang "boloi," hoo ba ka Le bitsang "meea e litšila," joaloka ba entse, mohla, "Belsebule." Empa ho U bona hantle ka hara mokhupi o motle ona, thapama ena, o khutla ho thasisetsa le ho kholisa se reriloeng ka tšoanelo, hore Ke 'Nete.

²⁴⁵ Molimo, bana ke batho ba Hao. E—e diabolosi o ile a leka ho lubakanya dimaekrofono, o lekile ho lubakanya mehopolo ea batho, o lekile ho ba thibela ho fumana Sena. Empa kea lumela hore ba tla E fumana, leha ho le joalo, Morena. Ke ba kopela ho E fumana. Ke ba kopela ho E amohela. Aba sena, Morena, balumeli bana, ka matla a phelisang, hore e tle re ha...haeba ba sa phelele ho bona ho Khutla ha Hao, matla a phelisang ao a tle a ba phahamise matsatsing a qetelo.

²⁴⁶ Etsa hona joale hore matla a phelisang ao a tsose tumelo ea bona, Morena, ho seo ba se etsang. Molumeli o beile matsoho holima molumeli, 'mele ho 'mele, matla ho matla. 'Me ke matla a Molimo, ka mora oa Molimo kapa morali oa Molimo, ka Mora oa Molimo. Oho Molimo, Satane a lokolle batho bana! Ba folisoë thapama ena, ka matla a tsosang, a phelisang a Boteng bo pepesitsoeng, Jesu Kreste. Ka Lebitso la Jesu Kreste, ho be joalo!

²⁴⁷ Matsoho a lōna holima batho a ruile matla a phelisang ka ho oona, haeba le lōna le feela le phelisitsoe. Na u tlie Bophelong? Na Kreste o fetohile 'nete ho uena? Na matla a Molimo a pepesitsoe? Na u ka hara Kereke, Kereke ea Molimo e hlophisisitsoeng? U ka hara Eona joang, u tseba joang hore u phelisitsoe ka ho Eona? Mehopolohao eohle, botho ba hao bohle, bo ka ho Kreste joale. 'Me Kreste o mahareng a batho, ho Iponahatsa a phela, ho Ikholisa a le teng mona matsatsing Sodoma.

²⁴⁸ Ka matsoho ao a batho bao, maphelo a bona a fetotsoe ho tsoa ho batsamaea-seterata, ho tsoa ho matahoa, ho tsoa ho liotsoa tse seterateng, ho fetoha bahalaleli ba makhonthe ba Molimo, ba phelisitsoeng. Matsoho a bona e beiloe holima lōna. Ba ka hara Kereke, ka kolobetso ea Moea o Halalelang, ka ona matla a neng a le holima masapo a Elia. Ona matla ao a beiloe holima lehetla la hao, holima matsoho a lōna, holima lihlooho tsa lōna, ona matla ao a phelisang; ke Eēna ea emeng mona ea pakang hore O a phela 'me o tsoa bafung, ho Ipontša A phela, hona joale o etsa tsona lintho tseo A li entseng mohla A ne a....?...Amen!

²⁴⁹ Le khona ho Mo lumela joale? Lea lumela hoba matsoho a beiloeng holima lōna ke matsoho a halalelitsoeng, le lumela Moea o re phelisang joale, o re etsang eka re mahlanya ho lefatše, lea lumela hore ke matla a Hae a phelisang? Na le lumela hore le ka hara Kereke ea Hae? Ka hona, haeba ho le joalo, 'me u lumela hobane matsoho a beiloeng holima lōna ke matsoho a halalelang, a rometsoe ke Molimo; ka hona ke le laela, ka Lebitso la Jesu Kreste, ho ema ka maoto a lōna le amohele pholiso ea lōna, mang le mang esale a kula.

Oh, Mokreste, na u elleloa se hlahileng?

²⁵⁰ Na lea eleloa, ka ntle seterateng koana ho na le limilione tsa batho ba tsamaeang literateng, kajeno, bona ha se letho lefatšeng ke libeso tsa bomo ea atomo feela? Na lea eleloa batho bao ba shoele sebeng le litlolong, 'me maphelo a bona a ntšofetse; ka hara likereke hohle, ba luletse lithupello tse 'maloa kapa nthoana ea ho boloka ntho e itseng, 'me ba e bitsa borapeli.

²⁵¹ Na lea eleloa hobane le tsositsoe lefung ho kena Bophelong, 'me le kolobelelitsoe 'Meleng oa Molimo o phelisitseng mebele ea lōna, moo ho leng ho bua ka lipuo le ho fetolela maleme, ho bona Jesu Kreste a pepesoa hara rōna? Khele, maloetse a ke ke a ema seholopheng se kang sena. Tumelo ea lōna e lebisoe ho Eēna, lumelang Eēna! Ho re, "Morena Molimo, ke lumela ka pelō ea ka eohle," 'me le tla fola.

²⁵² Na ba teng baetsalibe mona ba ka ratang ho kena 'Meleng oo? Phahamisang matsoho a lōna, le re, "Ha ke eso kene ka ho Oona, ha ke eso tlatsoe ka Moea o Halalelang, empa, Moena Branham, ruri thapama ena kea O labalabela. Na u tla

nthapella?" Phahamisa matsoho a hao. U se ke ua hlajoa ke lihlong, u ka hara Sefahleho sa Hae. Shebang matsoho feela! Shebang matsoho!

²⁵³ Joale mang le mang ea batlang kolobetso ea Moea o Halalelang, phahamisa matsoho a hao, hohle moo u leng teng, uena ea O batlang.

²⁵⁴ Joale lōna ba nang le Moea o Halalelang, le emeng haufi le bona, beang matsoho a lōna a halalelang, a khetheleng holima bona. "Ekare ha Moea o Halalelang, o tsositseng Jesu bafung, o ahile ka ho lōna, o phelisa mebele ea lōna e shoang, ho tloha lefung ho kena Bophelong." O bea 'mele ohle tlasa bolaoli ba Moea. Joale ha re inamiseng lihlooho tsa rōna, 'me mang le mang a rapelle batho ba batlang kolobetso ea Moea o Halalelang. 'Me ke lumela Molimo a tla tlatsa mang le mang oa lōna, hona joale, ka Moea o Halalelang.

²⁵⁵ Hobaneng re ka ema, metsoalle? U tla liehisa nako ho feta tekano, le leng la matsatsi ana. Ena ke eona hora. U se hhole u liehisa nako ho feta. U ka hara tempele ena moo u ka lulang bosiu bohle 'me ua rapela.

²⁵⁶ Molimo o Ratehang, ke U rapela ho romela Moea o Halalelang hape, joaloka moea o fokang ka sefefo, tlatsa ntlu eohle, ka mora ponahatso ena e phetheleng mona, thapama ena, hore U a phela 'me u 'moho le batho. Ka Lebitso la Jesu Kreste. Amen.



NQALO E KHETHETSOENG HO RAPELA MOLIMO SST65-0425
(God's Provided Place Of Worship)

Molaetsa wona, ka Moena William Marrion Branham, o rerilwe sethatong ka Senyesemane Sontaha thapama, 'Mesa 25, 1965, bakeng sa seboka sa Machaba Sa Bolekane Ba Borakhoebo Ba Evangeli E Tletseng, Embassy Hotel, Los Angeles, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org